



Inatsisartunut ilaasortaq
Jens-Frederik Nielsen, Demokraatit
Inatsisartut

§ 37 naapertorlugu apeqqummut nr. 1 3. januar 2023-meersumut akissut

Aalisarnermik nakkutillineq pillugu Namminersorlutik Oqartussat nalunaarutaat pillugu GE-mit aamma KNAPK-mit tusarniaanermi akissutit pillugit Inatsisartut suleriaasianni § 37, imm. 1 naapertorlugu Naalakkersuisunut apeqquteqarputit. Apeqqut immikkoortunnit akisassanngortinneqarpoq.

Dato: 16-01-2023
Sags nr.: 2023 - 453
Akt. nr.: 22160145

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

1. *GE aamma KNAPK tusarniaanermut akissutigisimasaani eqqaaneqartutuut "Paasisimavarput, tusatsiakkanik ingerlaortoqartoq, pisortat tungaaniit isumaqartoqartoq, nalunaarutip annertoorujussuarmik piunasaqaatai aalisarnermik inuussutissarsiornermi pisariaqartuusut, ilaatigut peqqusersusaarnerit pisarsimammata aamma/lmaluunniit/ aalisarnermik inuussutissarsiortut tungaanniit taamaasiortoqartarsimammata."2 peqqutigalugu, nalunaarut (Aalisarnermut nakkutillineq pillugu Namminersorlutik Oqartussat nalunaarutaat) aalisarnermik inuussutissarsiortunut killilersuinerit sakkortuut pisariaqarluinnartut, oqartussat isumaqartut. Naalakkersuisut inuussutissarsilutigineqartumut nutaamik nalunaarusiortoqarnissaanik isumaqarneranut tamanna peqquataasoq Naalakkersuisuniit uppersarsarneqarsinnaanerluni?*

Akissut:

Tusatsiakkatut oqaatigineqartut oqartussanit ilisimaneqanngillat. Akerlianik isumaqarpunga aalisarnermik inuussutissarsiuteqarneq ataatsimut isigalugu angusaqarfiulluartartoq inuussutissarsiutaasorlu inatsisinik malinniffiusoq, tamannalu nakkutillineq pillugu nalunaarutip 2023-meersup nutarternissaata piareersarnerani naalakkersuisoqarfiup inuussutissarsiortullu ataatsimiinnerinut atatillugu GE-mut KNAPK-mullu arlaleriarluni oqaatigineqartarpoq. Taamatut oqareerluni aalisarnermik inuussutissarsiummi – inuussutissarsiutit assigiinngitsut allat assigalugit – pasitsaassaavinnermi politiinut unnerluutigineqartartunik annikinnerusunik annertunerusunillu unioqquitsisoqartarpoq. Politiinut unnerluutiginninnerit amerlassusaannik maannakkut naatsorsuusiortoqarnikuunngilaq.

Tamanna pillugu ilisimatitsissutigissavara Naalakkersuisut tusatsiakkat tunngavigalugit inatsisini malittarisassiunngisaannartut, kisiannili innuttaasut inuiaqatigiillu soqutigisaat aallunniarlugit sunniuteqartumik aqutsinissamut nakkutilliinissamullu pisariaqartunik malittarisassiortartut.

- a. *Aalisarnermik inuussutissarsiuteqartuniit peqquserluutigineqarsimasutut*

- b. *oqariartuutigineqartoq qanoq isikkoqameranik paasissutissiissutigineqarsinnaanerluni?*

Akissut:

Apeqqummut 1-imut akissut takujuk.

- c. *Peqquserlussimanermik oqariartuutigineqartoq piviusumik takussutissinneqarsinnaanerluni?*

Akissut:

Apeqqummut 1-imut akissut takujuk.

- d. *Peqquserlussimanermut oqariartuutigineqartoq qanoq annertutigaa?*

Akissut:

Apeqqummut 1-imut akissut takujuk.

- i. *Pisinnaatitsissutit, nalunaarusiamik atuutilersitsisoqameranik, aammalu peqquserlussimanermut oqariartuuteqartumut killissamik qaangiisoqarsimaneranik naliliinissamut siunertaqartumik aningaasatigut kingunissaanik nalilersuisoqarsinnaanerluni?*

Akissut:

Apeqqummut 1-imut akissut takujuk.

- ii. *Pisinnaatitsissutit, nalunaarusiamik atuutilersitsisoqameranik, aammalu peqquserlussimanermut oqariartuuteqartumut killissamik qaangiisoqarsimaneranik naliliinissamut siunertaqartumik inuiaqatigiinnut kingunissaanik nalilersuisoqarsinnaanerluni?*

Akissut:

Apeqqummut 1-imut akissut takujuk.

2. *Peqquserluttoqarsimaneranik oqariartuuteqarneq Naalakkersuisut piviusunik takussutississinnaanngippassuk, nalunaarusiap pisinnaatitsissutaa tunngaveqartuusussa, taava Naalakkersuisut nalunaarusiaq taama isikkoqartillugu tunuartiinnarnissaanut iliuuseqarusussappat?*

Akissut

Naalakkersuisut aalisarnermik nakkutillineq pillugu Namminersorlutik Oqartussat nalunaarutaat ilaatigut Kalaallit Nunaanni Aalisarsinnaanermut Akuersissutinik Nakkutillisoqarfik EU-mit allagartaliissutit suliarineqartarnerinut, elektroniskingorlugu nalunaarsuiviup atuutilersinnissaanut aamma Kalaallit Nunaanni aalisarnermut malittarisassat atuutitinneqarnissannut nakkutillivik annertunerusunik sakkussaqartinniarlugu ersarissunik piginnaatitsinermi tunngavissiniarlugu akueraat. Naalakkersuisut tusatsiakkat tunngavigalugit malittarisassiorneq ajorput, aammalu aalisarnermik nakkutillineq pillugu nalunaarut atorunnaarsilersaarnagu.

3. *Peqquserlussimanermut piviusunik takutitsisoqarsinnaanngippat, nikerartitsinermut peqquserluuteqarsimanerup*

annertussusaa nalunaarusiami pisinnaatitsissutit allassimasunut sanillersuunneqarsinnaallutik, taava Naalackersuisut nalunaarusiaq taamatut isikkoqartillugu tunuartiinnassallugu iliuuseqarusussinnaappat?

Akissut:

Apeqqummut 2-mut akissut takujuk

4. *Peqquserluuteqartoqarsimanageranik oqariartuuteqarnermut piviusunik takussutissiisoqarpat, GFLK tassunga qisuariaateqarsimanagerluni?*
 - a. *Tamanna pisimappat, GFLK tungaanniit peqquserlussimanagermut qisuariaateqartoqarsimanagerinneranut suna tunngaviua?*

Akissut:

KANUAANA inatsisinik unioqutitsinerit uppersarneqarsinnaatillugit unnerluussinissaq pillugu inassuteqaateqartarpoq, taannalu tamassuma kingorna unnerluussisussaataasunut tunniunneqartarpoq. Unnerluussisoqassanersoq suliarlu eqqartuussivinni suliassanngortinneqassanersoq unnerluussisussaataasut nalilersortussaavaat.

5. *Inatsisaasimasumi nakkutilliinermut suliassani, taamaasillunilu peqquserluttoqarsimanageranik oqariartuuteqarnermi nalunaarusiami tikkuaanissamut tunngavissaqarnissamut pisinnaatitsisoqarnissaanik suunuku Naalackersuisut amigaataanerarlugit isumaqartut?*

Akissut:

Aalisarnermik nakkutilliineq pillugu Namminersorlutik Oqartussat nalunaarutaat nr. 39, 20. december 2022-meersoq aalisarnermik nakkutilliineq pillugu Namminersorlutik Oqartussat nalunaarutaannik nr. 23, 22. juni 2021-meersumik nutarterineruvoq. Nalunaarut 2022-meersoq inuussutissarsiortunit saaffiginnissutit arlallit tunngavigalugit suliarineqarpoq.

Taamanikkut naalackersuisuusooq inuussutissarsiortunik **ataatsimeeqateqartarnikuuvoq**, ataatsimiinnerillu taakku tunngavigalugit nalunaarummi § 2, nr. 19-22, § 2, nr. 23, §§ 6-9, § 13, imm. 1, § 34, imm. 9 aamma §§ 41-42 allanngortinneqarput. Inuussutissarsiortunit isornartorsiutit uku akuerineqanngillat. 1) EU-ip allagartaliissutaa pillugu GE-p isornartorsiuinera. 2) arsaarinnittarneq pillugu nalunaarummi aalajangersakkat, aamma 3) tillitanik pisineq pillugu nalunaarummi **aalajangersakkat** (unioqutitsilluni pisanik pisinissamik, tunisinissamik tunniussinissamillu inerteqqut) taamaalillunilu nalunaarummut nr. 23, 2021-meersumut sanilliullugu allanngortinneqaratik.

Immikkoortut pingaernerit pingasut Kalaallit Nunaanni Aalisarsinnaanermut akuersissutinik Nakkutilliisoqarfimmut pisariaqartut ataani allaaserineqarput.

EU-imit allagartaliineq – Kalaallit Nunaanni Aalisarsinnaanermut

Akuersissutinik Nakkutilliivik nunap erfalasoqarfiup nalunaarutaa naapertorlugu Kalaallit Nunaanni Namminersorlutik Oqartussani oqartussaavoq aalisakkanik avammut tuniniaasartut EU-mi naalagaaffimmut ilaasortamut avammut tunisinissamik kissaateqarpata pisanik uppersaatinik pitsaassusiliisarnermi akisussaasoq. Pisat tunineqartut annertussusaannut uppersarneqartunut naapertuutinnigpata pisanik uppersaatit pitsaassusilernissaat Kalaallit

Nunaanni Aalisarsinnaanermut Akuersissutinik Nakkutilliisoqarfiup aalisarneq pillugu inatsimmi § 26, imm. 1 naapertorlugu itigartissinnaavai. Tunisassiat taamaattut IUU-mik aalisarnermeersinnaapput (unioqqutitsilluni aalisarneq). Pisat uppersaataasa pitsaassusilernissaasa itigartinnissaannut siusinnerusukkut piginnaatitsisoqarnikuvoq, kisianni eqqartuussissuserisut suliffeqarfiat Poul Schmidt (Kammeradvokati) EU-imit allagartaliinerit pillugit **suleqatigiissitaliamut – Aalisarnermut, Piniarnermut Nunalerinermullu Naalakkersuisoqarfimmit, Sulisitsisunit, Kalaallit Nunaanni Aalisarsinnaanermut Akuersissutinik Nakkutilliisoqarfimmit, Polar Seafoodimit aamma Royal Greenlandimit ilaasortaaffigineqartumut - 26.maj 2020-meersumik allakkiaqarnikuvoq, tassani inassuteqaateqarpoq "pisat uppersaataasa pitsaassusilerneqarnissaannik qinnuteqaatinik suliarinnittarnerup aalisarneq pillugu inatsimmi § 26 naapertorlugu nalunaarusiorluni malittarisassiornikkut siunissami pisortatigoortunngortinnissaa ileqqorissaarnissaq pissutigalugu naleqqutissasoq."** Piginnaatitsinermi tunngavimmik kammeradvokatip isumaa **suleqatigiissitaliami amerlanerussuteqartut isumaqatigaat, akerlianik ikinnerussuteqartut** marluusut kammeradvokatip isumaa isumaqatiginngilaat, ikinnerussuteqartutullu oqaaseqaateqarlutik. Suleqatigiissitaliap nalunaarusiaa ilanngussatut 1-itut ilanngunneqarpoq.

Arsaarinninneq – Arsaarinninneq eqqartuussivimmi aalajangerneqassaaq, arsaarinninnerlu pinngitsaalliissummik taarsiissutitalimmik pigisanik piginnikkunnaarsitsinerunngilaq. § 48-mi **aalajangersagaq** aalisariut unioqqutitsinani aalisarsimappat aalisariutip pitsaasumik pineqarnissaanik kissaateqarneq pissutigalugu unioqqutitsinani useqarpat immikkut akuersinissamut periarfissiinarluni oqaasertalerneqarpoq. Aallaavik nalinginnaasuni tassaassaaq unioqqutitsilluni aalisarnermi usit tamarmik arsaarinnissutaassasut. Arsaarinninneq unioqqutitsinermit sanilliullugu naapertuunnersoq eqqartuussiviit **nalilersortussaavaat**. Arsaarinnittarneq pillugu malittarisassiornissamut piginnaatitsissut aalisarneq pillugu inatsimmi § 34, imm. 3-mi allassimareerpoq. Pisanik, aalisarnermi atortunik angallammillu arsaarinnittoqarsinnaanera inatsimmi § 34, imm. 1 aamma 2-mi aalajangersarneqarpoq. Kisiannili pisat unioqqutitsinani ingerlatsinermit pisuusut uppersarneqarsinnaappat tamanna atuutissanngilaq. Oqaatigineqassaaq Kalaallit Nunaanni Politiit arsaarinnittarneq pillugu nalunaarummi aalajangersakkamut **oqaaseqaateqarnikuunngitsut**.

Tillitanik pisineq – aalisarneq pillugu inatsimmi § 26, imm. 2-mi malittarisassat nalunaarummi atuutilersinneqarput, taanna malillugu aalisarneq pillugu inatsimmut inatsilluunniit naapertorlugu malittarisassianut akerliusumik pisanik tunniussinissaq, pisinissaq tunisinissarluni inerteqqutaapput. Tillitanik pisineq pineqarpoq, tamannalu Kalaallit Nunaannut Pinerluttulerineq pillugu inatsimmi ilaareerpoq, tak. § 111. Kisiannili pinerluttulerineq pillugu inatsimmi piaarisqaarsimanissaa piumasaqaataasoq nalunaarummi inerteqquteqarnermik atuutilersitsinermi mianersuaalliorqarnerani pineqaatissiisoqarsinnaavoq.


6. *Naalakkersuisut pineqartumut allanik paasissutissiisinnaanerlutik?*

Akissut:

Naalackersuisut nakkutilliineq pillugu nalunaarummik suliaqarnermut atatillugu aalisarnermik inuussutissarsiortut oqaaseqaataat misissoqqissaarnikuuaat, inuussutissarsiortullu akerliissutaat annertuutigut akueriniarnikuullugit. Naalackersuisulli naapertuuttoqannginneranik piginnaatitsinermilu ajornartorsiuteqartoqarneranik inuussutissarsiortut isumaat isumaqatiginngilaat. Nakkutilliineq pillugu nalunaarummi aalajangersakkat Kalaallit Nunaata nunami namminermi nunalluunnit tamat akomanni nakkutilliinermi pisussaaffinnik eqqortitsinissaanut pisariaqarput unioqqutitsinaveersaarutaallutillu.

Kalaallit Nunaata nakkutilliinnginnera allagartaliinernut annertuunik kinguneqarsinnaavoq, tassunga ilanngullugit MSC-mit allagartaliineq akornutissaqanngitsumillu avammut tuniniaasinnaanermut periarfissaqarnermut.

Inussiarnersumik inuulluaqqusillunga



Karl Tobiassen

Aalisarnermut, Piniarnermullu Naalackersuisoq

NALUNAARUSIAQ

EF-IMIT UPPERNARSAASIISARNERMUT
KALAALLIT NUNAATA
AALISARSINNAANERMUT
AKUERSISSUTINIK
NAKKUTILLIISOQARFIATA
AAQQUSSUUSSINERA PILLUGU

EF-IMIT
UPPERNARSAASIISARNEQ
PILLUGU
SULEQATIGIISSITAQ
26 MAJ 2020

IMARISAI

Kapitali 1 – Aallaqqaasiut	3
1.1 Aallaqqaasiut	3
1.2 Suleqatigiissitap ataatsimiinneri, ilaasortat allattoqarfillu	4
Kapitali 2 – Suliassamut tunngavissiaq	5
Kapitali 3 – KANUAANA-p uppersarsaanermik aaqqissuussineranik allaaserinnineq	8
3.1 Aallaqqaasiut	8
3.2 Uppersarsaatit assigiinngitsut	8
3.3 Aalajangersaanermi suleriaaseq	9
3.3.1 Qinnuteqaammik nassiuussinerit	10
3.3.2 KANUAANA-mi suliamik suliarinnineq	10
3.3.3 Suliamik suliarinnittup nalilersuinera	11
3.3.4 Uppersarsaammik tigusineq	13
3.4 CATCH	14
3.5 FAO-mi kajumissutsimik najoqqutassiat	14
3.6 KANUAANA-p EU-p uppersarsaanermik aaqqissuussineranut tulluarsamissaanik nalilersuineq	15
3.7 KANUAANA-p EF-imit uppersarsaasiisarnermik aaqqissuussineranik tulluarsaaneq pillugu innersuussutit	16
Kapitali 4 – KANUAANA-p inatsisitigut tunngavia	18
4.1 Kammeradvokatip ilisimasitsissutaa	18
4.2 Inatsisitigut tunngavimmuut oqaaseqaatit	31
4.3 Kapitali 10-mut missingiut pillugu innersuussutit	31
4.4 Kapitali 10-mut missingiut pillugu oqaaseqaatit	32
Kapitali 5 – Norgemi, Islandimi Savalimmiunilu uppersarsaatit	35
5.1 Norgemi uppersarsaasarnepup allaaserinera	35
5.2 Islandimi uppersarsaasarnepup allaaserinera	38
5.3 Savalimmiuni uppersarsaasarnepup allaaserinera	40
5.4 Nunat allat aaqqissuussinerinut oqaaseqaatit	42
Kapitali 6 Tunngaviit pingaaruteqartut	47
6.1 EF-imit uppersarsaasiisarnermik aqutsineranut tunngaviit pingaaruteqartut	44
6.2 Tunngavigisanut pingaaruteqartunut oqaaseqaatit	46
6.3 Innersuussutit	46
Kapitali 7 – Suleqatigiissitap innersuussutai atsiernerillu	47
Bilag 1	48

KAPITALI 1 - AALLAQQAASIUT

1.1 AALLAQQAASIUT

Kalaallit Nunaanni Aalisarsinnaanermut Akuersissutinik Nakkutilliisoqarfik (KANUAANA) aalisarnermik inuussutissarsiuteqartut suleqatiginerisigut ukiaq 2009-mi pisanut uppersaasatit aalajangersarnissaannut aaqqissuussinermik pilersitsivoq unioqqutitsisumik, nalunaarutigineqanngitsunik killeqanngitsumillu aalisarnermik pitsaaliorniarlugu, pinngitsoortinniarlugu unitsinniarlugulu EF-imi aaqqissuussineq pillugu EU'p peqqussutaata (EF) nr. 1005/2008-p malinnissaa siunertarlugu.

EU ulloq 1 januar 2010-mi illuinnarsiortumik aalajangersarneqartumik aaqqissuussinermik eqqussivoq, nunat allat eqqussuisui peqquneqarlutik aalisakkanit nioqqutissanik EU-mut nassiussinernut sunulluunniit akuersissut ilaatinneqassasoq, angallatip naalagaanit, kalaallit nunaanni avammut niuertumit atsiorneqarsimasoq, aamma naalagaaffimmi erfalasoqarfiusumi oqartussanit aalajangersarneqarsimasoq.

EU-mut 19 oktober 2009-mi naalagaaffittut erfalasoqarfiusutut nalunaaruteqarnermi Kalaallit Nunaanni Namminersorlutik Oqartussani aalajangersaanermi oqartussatut KANUAANA nalunaarutigineqarpoq, tak. peqqussummi immikkoortortaq 20.

KANUAANA-p EF-imit uppersaasiiisarnermik aqutsilemni 1. januar 2010 assaannarmik allanneqartartoq aallartippaa. Tamatuma kingorna 2011/2012-imi suliniummi suliaq pilersinneqarpoq, EF-imit uppersaasiiisarnermi elektroniskimik suliarineqartartumik atulersitsisussaq.

2016-2017-imi suleqatigiissitamik pilersitsisoqarpoq avammut niueruteqartuni unammillernartut aalajangersimasut kiisalu taakkununga pitsanngorsaatissatut siunnersuutit oqallisigineqarlutik, ilanngullugit Royal Arctic Linemut naleqqiullugu aporfii anginerusut, kiisalu avammut niuerutigineqartut annertussusiinik nakkutilliineq annertunerulerluni. Taakku saniatigut aaqqissuussinermut inatsimmi tunngavissaq oqallisigineqarluni. Suleqatigiissitap ulloq 31 januar 2017-imi eqqussinermi akueriumasamat killit akuera, soorlu aama taamanikkut aaqqissuussinermut inatsisitigut tunngavik pillugu isumaqatigiittoqarpassitooq. Avammut niueruteqartup ataatsip oqaatigaa pisanut uppersaasatit aalajangersarneqarneri angusinnaajumallugit inatsisitigut tunngaviup akuerineqarnissaanut kimigiiserfigineqarsimasutut misigisimalluni.

December 2018-imi aamma august 2019-imi avammut niuertumit ataatsimiit raajanik qalipaajakkanik nassiussinernik aalajangersaaneq suli annertunerusumik sullissinikkut alloriartoqarnissaa pissutigalugu itigartinneqarpoq, tamatumalu kingunerisaanik aalajangersaanermi kinguarsaasoqarluni, tassa ilaatigut iluanaarutit procentit/naatsorsueqqinnermi kisitsit pillugu isumaqatigiinngitsoqarmat, ilaatigut tunisassiat avammut niuerutigineqartut annertussusii pisanit nalunaarutigineqartunit annertunerusinnaammata.

Suliat taakku EF-imit uppersaasiiisarnermut tunngavik pillugu tunngaviusunik arlalinnik apeqqutinik qaqitsippat, taamaattumik KANUAANA-p uppersaasarsuineranik nutaamik nalilersuinissaq siunertarlugu suleqatigiissitamik nutaamik pilersitsinissaq pillugu Aalisarnermut, Piniarnermut Nunalerinermullu Naalakkersuisoqarfik aalajangiilluni.

Suleqatigiissitami siunertaq ilaatigut tassaavoq ingerlatanik KANUAANA-p avammut niueruteqartunut siunnerfeqartunik pitsanngorsaatisanik eqqartuinissaq siunnersuuteqarnissarlu taamaalillunilu EF-imit uppersaasiisarneq pillugu maannakkut aaqqissuussinermi tulluarsaanissamik pisariaqartitsisoqarnerseq nalilerlugu. Suleqatigiissitap ataatsimut innersuussutai nalunaarusiami kapitali 7-mi takuneqarsinnaapput.

1:2 SULEQATIGIISSITAP ATAATSIMIINNERI, ILAASORTAT ALLATTOQARFILLU

Suleqatigiissitap ulloq 30 januar 2020-mi ataatsimiippoq. COVID-19-imi immikkut pissutsit tunngavigalugit ulloq 20 aamma 26 marts 2020-mi ataatsimiinnissat unitsinneqarput. Nalunaarusiami kapitalit, nalilersuinerit innersuussutillu tamatuma kingorna allatat tunngavigalugit misissorneqarput. Suleqatigiissitap innersuussutai qupperneq 40-miittut ilanngullugit nalunaarusiaq ulluni 22, 25 aamma 26 maj 2020-mi suleqatigiissitami atsiorneqarpoq.

Suleqatigiissitamiiipput:

Aalisarnermut, Piniarnermut Nunalerinermullu Naalakkersuisoqarfik

Michael D Pedersen, siulittaasoq (ulloq 15/3-20 tikillugu)

Rasmus Chr Jensen, sinniisussaq allattoqarfilla

Toke Fridorff Hansen, ilaasortaq

Sulisitsisut

Bent Sørensen, sinniisussaq

Lars-Krogsgaard-Jensen, ilaasortaq

Kalaallit Nunaanni Aalisarsinnaanermut Akuersissutininik Nakkutilliisoqarfik

Iben Funch Døj, sinniisussaq allattoqarfilla

Mads Rossing Lund, ilaasortaq

Michael D Pedersen, siulittaasoq (16/3-20-imiit)

Polar Seafood

Henrik Leth, sinniisussaq

Lars Juul Pedersen, ilaasortaq

Royal Greenland

Andrias Olsen, ilaasortaq

Ane Lynge, sinniisussaq

KAPITELI 2 - SULIASSAMUT TUNNGAVISSIAQ

Suleqatigiissitamut suliassamut tunngavissiaq - suleqatigiissitami ulloq 30. januar 2020-mi siullermik ataatsiminnerup kingorna - **allanngortinneqarpoq**. Suliassamut tunngavissiaq **allanngortinneqartoq** Aalisarnermut, Piniarnermut Nunalerinermullu Naalakkersuisoqarfimmit ulloq 13 april 2020-mi akuerineqarpoq.

EF-imit uppersaasiisarnermut tunngatillugu suleqatigiissitamut suliassamut tunngavissiaq

13-04-2020

Suliap normua: 2020 - 647

1. Tunuliaqutaasut

EF-imi aaqqissuussineq pillugu Siunnersuisoqatigiit peqqussutaatigut (EF) nr. 1005/2008-meersukkut unioqqutitsisumik, **nalunaarutigineqanngitsunik** killeqanngitsumillu aalisarnermik pitsaaliuisussa, pinngitsoortitsisussa qunitsitsisussarlu, ulloq 1. januar 2010-mi EU illuinnarsiortumik aalajangersarneqartumik aaqqissuussinermik eqqussivoq, nunat allat eqqussuisui peqquneqarlutik aalisakkanit nioqqutissanik EU-mut nassiussinernut sunulluunniit uppersaat ilaatinneqassasoq, angallatip naalagaanit, kalaallit nunaanni avammut niuertumit atsiorneqarsimasoq, aamma naalagaaffimmi erfalasoqarfiusumi oqartussanit aalajangersarneqarsimasoq.

EU-mut 19 oktober 2009-mi naalagaaffittut erfalasoqarfiusutut nalunaaruteqarnermi Kalaallit Nunaanni Namminersorlutik Oqartussani aalajangersaanermi oqartussatut KANUAANA nalunaarutigineqarpoq, tak. peqqussummi **immikkoortorta** 20.

KANUAANA-p EF-imit uppersaasiisarnermik aqutsilernini 1. januar 2010 assaannarmik allanneqartartoq aallartippaa. Tamatum kingorna 2011/2012-imi suliniummi suliaq pilersinneqarpoq, EF-imit uppersaasiisarnermik aaqqissuussinermi elektroniskimik suliarineqartartumik atulersitsisussa.

2016-2017-imi suleqatigiissitamik pilersitsisoqarpoq avammut niuruteqartuni unammillernartut aalajangersimasut kiisalu taakkununga pitsanngorsaatissatut siunnersuutit oqallisigineqarlutik, ilanngullugit Royal Arctic Linemut naleqqiullugu aporfiiit anginerusut, kiisalu avammut niurutigineqartut annertussusiinik nakkutillineq annertunerulerluni. Taakku saniatigut aaqqissuussinermut inatsimmi tunngavissaq oqallisigineqarluni. Suleqatigiissitap ulloq 31 januar 2017-imi eqqussinermi **akueriumasamut** killit akuerai, soorlu aamma taamanikkut aaqqissuussinermut inatsisitigut tunngavik pillugu isumaqatigiittoqarpassittoq. Avammut niuertup ataatsip oqaatigaa pisanut uppersaait aalajangersarneqarneri angusinnaajumallugit inatsisitigut tunngaviup akuerineqarnissaanut kimigiiserfigineqarsimasutut misigisimalluni.

December 2018-imi aamma august 2019-imi avammut niuertumit ataatsimiit raajanik qalipaajakkanik nassiussinernik aalajangersaanermi kinguarsaasoqarluni, tassa ilaatigut iluanaarutit procentit/naatsorsueqqinnermi

kisitsit pillugu isumaqatigiinngitsoqarmat, ilaatigut tunisassiat avammut niuerutigineqartut annertussusii pisanit nalunaarutigineqartunit annertunerusinnaammata.

Suliat taakku EF-imit uppersaasiisarnermut tunngavik pillugu tunngaviusunik arlalinnik apeqqutinik qaqitsippot, taamaattumik KANUNAANA-p uppersaasersuineranik nutaamik nalilersuinissaq siunertaralugu suleqatigiissitamik nutaamik pilersitsinissaq pillugu Aalisarnermut, Piniarnermut Nunalerinermullu Naalakkersuisoqarfik aalajangiilluni.

2. Siunertaq suliassallu

Suleqatigiissitami siunertaq ilaatigut tassaavoq ingerlatanik KANUNAANA-p avammut niuertunut siunnerfeqartunik pitsanngorsaatisanik eqqartuinissaq siunnersuuteqarnissarlu taamaalillunilu EF-imit uppersaasiisarneq pillugu maannakkut aqqissuussinermit tulluarsaanissamik pisariaqartitsisoqarnersoq nalilerlugu. Taaku saniatigut suliassaqarfimmi ilitsersuussinermut paasissutissanik pisariaqartitsineq ilusissaalu oqallisigineqassapput. Kiisalu naatsorsueqqinnermi kisitsisip/ilunaarutini procentip nalilersornissaa taakkulu tulluarsarnissaat pisariaqarnersoq nalilersorneqassalluni.

Nalilersuinerit taakku tamarmik peqqussut 1005/2008-mi aamma peqqussut 1010/2009-mi piumasarineqartut eqqarsaatigalugit ingerlanneqassallutik.

Suleqatigiissitap taamaalilluni:

- EF-imit uppersaasiisarnermut KANUNAANA-p aqqissuussineranik kiisalu aqqissuussinermit misissuinermit siusinnerusukkut sulianik allaaserinnineq, tassunga ilanngullugu aqqissuussinermut inatsisitigut tunngaviup allaaserinera oqallisigineq.
- EU "Catch"-imiit elektroniskimik aqqissuussinissaq kiisalu maannakkut aqqissuussinerup aamma "Catch"-ip akornanni ataqatigiissinnaanerup naatsumik allaaserineri. Tassunga aamma ilanngunneqassaaq FAO's Guidelines (Voluntary Guidelines for Catch Documentation Schemes).
- Norgemi, Islandimi aamma Savalimmiuni EF-imit uppersaasiisarnermik aqqissuussinerit allaaserineri.
- EF-imit uppersaasiisarnermut tunngavinnik pingaarutilinnik allaaserinnineq naliliinerlu.
- EF-imit uppersaasiisarnermik aqqissuussinermut inatsisitigut tunngaviup erseqqinnerulerneranut iluaqutaasussami nalunaarummi ilaasussanik EF-imit uppersaasiisarnermik aqqissuussineq pillugu missingiummut tulluarsaasoqassanersoq misissorlugu nalilersorlugulu.

3. Suleqatigiissitap sulineraniit inernerit

Suleqatigiissitaq nalunaarusiussaaq, qulaani allaaserineqartut anguniakkat suliassallu eqqarsaatigalugit KANUAANA-mi EF-imit uppersaasiisarnermik aaqqissuussinermut innersuussuteqartussaq.

4. Aaqqissuussaaneq, piffissaq isumalluutillu

Suleqatigiissitaq, januar 2020-mi pilersinneqartoq, Aalisarnermut, Piniarnermut Nunalerinermullu Naalakkersuisoqarfik suliniaqatigiiffinni ukunanga tamanit sinniisussamik ataatsimik inassuteqaatit tunngavigalugit toqqaassaaq: Polar Seafood, Kalaallit Nunaanni Sulisitsisut, Royal Greenland aamma Kalaallit Nunaanni Aalisarsinnaanermut Akuersissutinik Nakkutilliisoqarfik. Aalisarnermut, Piniarnermut Nunalerinermullu Naalakkersuisoqarfik ilaasortassanik 2-nik toqqaassaaq, taakkunani suleqatigiissitamit siulittaasussaq. Taamaalillutik ilaasortat 6, taasinerit assigiinnerini siulittaasup taasineri aalajangiisuussaaq.

Aalisarnermut, Piniarnermut Nunalerinermullu Naalakkersuisoqarfiup aamma Kalaallit Nunaanni Aalisarsinnaanermut Akuersissutinik Nakkutilliisoqarfiup suleqatigiissitamut allattoqarfik isumagissavaat, tassani aningaasartuutit nammineq sinaakkusiussat iluini aningaasartuutigineqassallutik. Suleqatigiissitamit ilaasortat allat EF-imit uppersaasiisarneq pillugu inissisimanermikkut soqutigisaqarnermikkullu peqataassasut naatsorsuutigineqarpoq akissarsiaqartinneqassanatiluu.

Suleqatigiissitaq suliani pillugu nalunaarusiamik kingusinnerpaamik 2020-imi majip naanerani tunniussissaaq. Suleqatigiissitali tamanna pisariaqartippagu piffissaliussaq sivitsorneqarsinnaassaaq.

Tamassuma saniatigut ataatsimiititaliarsuarmut siulittaasup aamma Aalisarnermut, Piniarnermut Nunalerinermullu Naalakkersuisoqarfiup akornanni piffissamut pilersaarut sukumiinerusoq isumaqatigiissutigisinnaavaat.

KAPITALI 3 - KANUAANA'P UPPERNARSAANERMIK AAQISSUUSSINERANIK ALLAASERINNINNEQ.

3:1 AALLAQQAASIUT

EF-imi aaqqissuussineq pillugu Siunnersuisoqatigiit peqqussutaatigut (EF) nr. 1005/2008 29 september 2008-meersukkut unioqutitsisumik, nalunaarutigineqanngitsunik killeqanngitsumillu (UNK) aalisarnermik pitsaaliuisussaq, pinngitsoortitsisussaq unitsitsisussarlu, ulloq 1 januar 2010-mi atulersinneqartoq, aalisakkanit nioqutissianut EU-mut avammut niueruteqarusuttunut nunanit allaniit avammut niueruteqartunut uppernarsaanermik aaqqissuussinissaq pillugu EU illuinnarsiorluni piimasaqaammik eqqussivoq. Ulloq 1 januar 2010 aalisakkanik aamma aalisakkanit nioqutissat EU-mut avammut niuerutigineqartut tamarmik uppernarsaammik imaluunniit pisanut uppernarsaammik ilaqartinneqassapput, tassani allassimassalluni nioqutissat aalisarnermit akuerisaasumeersuusut.

Tamanna tunuliaqutaralugu Kalaallit Nunaanni Namminersorlutik Oqartussat naalagaaffittut erfalasoqarfiusut ulloq 19 oktober 2009-mi nalunaaruteqarpoq kalaallit angallataanneersut pisat pillugit pisanut uppernarsaatit aalajangersarnissaannut naalagaaffittut erfalasoqarfittut oqartussatut KANUAANA nalunaarutigineqarluni.

EU oqaloqatigereerlugu aamma aalisarnermik inuussutissarsiuteqartut suleqatigalugit pisanut uppernarsaatini aalajangersaanissamut assammik allatanik KANUAANA pilersitsivoq, peqqussutip ulloq 1 januar 2010-mi atulersinnerani atorneqalersoq, 2011-mmi aaqqissuussinerup digitalinngorsarnera aallartinneqarpoq, nammineq allattuinermik aaqqiineq januar 2013-mi pilersinneqarluni. Nammineq allattuinermik aaqqiineq aaqqissuussinerlu ingerlaavartumik allilerneqarpoq.

Nammineq allattuinermik aaqqiinermi siunertaq tassaasimavoq:

- Akuersinermik aalajangersaaneq pillugu qinnuteqarnerit ajornannginnerulersinnissai, sukkanerulernissai pisariinnerulernissaalu.
- Qarasaasiamut immiussinerit ikinnerusut pissutigalugit kukkusarnerit taamaallilunilu marloqiusamik sullissinerit annikillineqarlutik.
- Uppernarsaatip EU-mi eqqussisunut ingerlateqqinnissaa sioqqullugu naqinnissaa, atsiornissaa scannernissaallu pinngitsoortillugu.
- Uppernarsaatit atulersinnerisigut KANUAANA-mi aalajangersaanermi sulinerit pisariillisarlugit.

Ataani KANUAANA-p uppernarsaanermik aaqqissuussinera ullumikkutut isikkua allaaserineqarpoq. Siullermik uppernarsaasarnerit pingasut allaaserineqassapput, kiisalu avammut niuertup aaqqissuussinermi pilersinnissaanut suleriaaseq. Tulliullugu uppernarsaatini aalajangersaanermi suleriaaseq misissorneqassalluni. KANUAANA-p sullissinera tulliulluni itisilerneqassaaq. Kingullertullu EU-mi eqqussuineri paasissutissaasivik nutaaq digitaliusoq kiisalu FAO-p kajumissutsiminik najoqqutassiai allaaserineqassallutik.

3.2 UPPERNARSAATIT ASSIGIINNGITSUT

EU'p avammut niuernermut uppernarsaatai pingaarnernut marlunnut avinneqarsimapput - uppernarsaat nalinginnaasooq aamma uppernarsaat pisariillisagaq, uppernarsaat A aamma uppernarsaat B.

Nalinginnaasumik uppernarsaat (uppernarsaat A) aalisariummit 12 meterit sinnerlugit takissusilimmiit pisanik avammut niuerneq tunngavigalugu atulersinneqartoq. Uppernarsaat A-

mi aalisariut kiisalu aalisariarsimaneq pillugu sukumiisut immikkoortoq 2 - 5-imi paasisutissiissutigineqassapput. 2014-imi angallatit arlallit uppersaammimi ataatsimi katersorneqarsinnaalersimapput taamaalluni uppersaait amerlassusai annertuumik ikilineqarlutik.

Angallatinut soorlu umiatsiaaqqanut uppersaanerit pisariillisarnissaat siunertaralugu EU Kommissionip uppersaammik pisariillisakkamik, uppersaait B, atuinissaq periarfissaalersippaa, immikkoortoq 2-mi paasisutissat angallatit pisaqarsimasut aamma angallatip ataatsip pisai pillugit nalunaarsuiffimmik pisariillisakkamik taarserneqarluni.

Angallammit kalaallit pigingisaannik Kalaallit Nunaanni suliareqqinneqarsimasunik aalisakkanit nioqqutissanik avammut niuerneq pineqarpat kalaallit nunaanni avammut niuertup ilangussaq 4-p imaluunniit suliareqqiinerimi uppersaaitip aalajangersarnissaa qinnutigissavaat. Avammut niuertup aalisariutip naalagaaffittut erfalasoqarfiani oqartussaniit pisanut uppersaait aalajangersarneqarsimasooq noqqaassuteqarnermut ilangutissavaa. Ilangussaq 4-mi aalajangersaanerit amerlassusai ukiumut ataatsimut 20-t inorlugit killilerneqarmata suliarinninneq taanna digitalimik ingerlanneqarneq ajorpoq.

Toqqaannartumik avammut niuernerup, nioqqutissat Kalaallit Nunaanniit EU-mut toqqaannartumik niuerutigineqarlutik, toqqaannangitsumik avammut niuerneq, nioqqutissat nunamit allamiillutik (assersuutigalugu Norge) nunamillu allamiit tassangaanniit EU-mut assartorneqarlutik, imaluunniit kalaallit angallataat pisaminik toqqaannartumik EU-mi usingiarluni toqqaannartumik usingiarnerit akomanni immikkoortitsisoqarpoq.

3:3 AALAJANGERSAANERMI SULERIAASEQ

Aalajangersaanermit suleriaaseq tunngaviumik 4-nik immikkoortoqarpoq:

- 1 Avammut niuertup uppersaaitini immiuppaa uppersaait ataaseq arlalilluunniit pigilerlugit.
- 2 Avammut niuertup uppersaammik ataatsimik arlalinnilluunniit aalajangersaanissamik noqqaaneq nassiuppaa.
- 3 KANUAANA-p uppersaammik suliarinninnera aalajangersaaneralu.
- 4 Uppersaammik aalajangersarneqartumik avammut niuertup tigusaqarnera aamma EU-mi eqqussisumut, EU-mi akitsuuserinerimi oqartussani allanullu soqutigisaqatigiinnut ingerlatitseqqinnera.

Ilisarnaammik pilersitsineq

Nammineq immersuinermit aaqqiineq atorsinnaajumallugu avammut niuertup aaqqussuuserinermit pilersinneqarsimassaaq, uppersaaitillu arlallit nalunaarsugaasimassallutik.

Uppersaaitit uku nalunaarsugaassapput:

- Nammineq immersuiffimmi suliaqartussamut avammut niuertup sulisuanut piginnaatitsissut, taakkuninnga atsiorneqartoq. Taakku aqqi atsiorerilu qinnuteqaatip nassiunnerani uppersaammut ikkunneqartussaapput.
- Angallatinut 12 meterimik takinerusunut angallatip naalagaaniit imaluunniit umiarsuaatileqatigiiffimmiit piginnaatitsissut, tassa angallatip naalagaata aqqa, naqitsit atsiorerlu uppersaait A-mi immikkoortoq 5-imi piumasaqaataammata.
- Umiarsuarmut tunitsivimmut angallatip naalagaaniit piginnaatitsissut, tassa aqqa, naqitsit atsiorerlu uppersaait A-mi immikkoortoq 6 aamma 7-imi piumasaqaataammata.
- Avammut niuernissamut akuersissut Inuussutissarsiernermit Naalakkersuisoqarfimmiit atulersinneqartoq.

3:3:1 QINNUTEQAAMMIK NASSIUSSINERIT

Uppernarsaatinik atulersitsineq avammut niuertup EU-mi uppersaammik piunarsaqarfiusunik aalisakkanit tunisassianik avammut niuruteqarusunneranik atulersinneqartarpoq. Avammut niuertoq nammineq immersuiffimmut isissaaq immiussinissamullu periarfissaqalerluni. Immersuiffissami avammut niuertoq tunisinerit imaluunniit nalunaaruteqarnermik/umiarsuup allattaavianik pisanik nalunaaruteqarnissamut innersuunneqassaaq. Aaqquissuussineq nammineerluni angallat, akuersissut, aalisarfiusooq piffissarlu pillugu paasissutissanik aalissaaq taamaalilluni avammut niuertoq paasissutissanik arlalinnik allattuisariaqarnani.

Immersuiffimmi immiunneqartut paasissutissat tunuliaqutaralugit uppersaatiit immersorneqassapput, tassa imaappooq avammut niuertoq aalisakkanit nioqutissanit pissarsiffiusut pisat angallatillu pillugit paasissutissanik allattuissaaq.

Qinnuteqaatinik KANUAANA-p suliakkersornera annikillisanarlugu immersuinermit nalilersuisoqareertarpoq.

Nalilersuinermit ilaatigut pisat pillugit nalunaarutit, uppersaammut attuumassuteqartut nalunaarsugaasimanerit akuerineqarsimanerilu qulakkeerneqartarput, aamma suunerit annertussusiilu eqqarsaatigalugit taakkununga naapertuunnersut. Assersuutigalugu saarullinnik tunisinermit qalerallinnik avammut niurteqarsinnaanani.

Immersukkani aamma/imaluunniit paasissutissanik kukkuneqarpat taakku ingerlaannaq nalunaarsorneqassapput taamaalilluni avammut niuertoq pisariaqartunik iluarsisinnaalluni. Uppersaatinik pissarsinissamut pisariaqarpoq kukkunerit amigaatillu tamarmik aqqinneqarsimanissaat.

Kukkunerit iluarsineqarpat avammut niuertumik uppersarneqartussaaq PDF-inngorlugu uppersaatiit ataaseq marlulluunniit pissarsiarineqassapput. Avammut niuertup uppersaatiit KANUAANA-mi nalilersugassanngorlugu ingerlateqqissinnaavaa, imaluunniit nutaamik immiussinissaq siunertaralugu immiussimasaq atorunnaarsillugu.

Nassiuussinermi piginnaatitsisuniit atsiomerit kiisalu avammut niuertumit atsiorneq naqitsillu ingerlaannartumik ikkunneqassapput. Avammut niuertup nassiuussinermut allakkat kiisalu qinnuteqaammut akiligassaaq/nassiuunneqartunut allagartaq ilanngutissavai.

3:3:2 KANUAANA-MI SULIAMIK SULIARINNINNEQ

Nalilersuineq pillugu qinnuteqaat nammineq immersuinnikkut KANUAANA-mut nassiuunneqarpat taanna Aalisarneq pillugu paasissutissaasivimmi LULI-mi tiguneqassaaq.

Suliamik suliarinninneq KANUAANA-mi sullissisumit aalajangersimasumik nalilersuinermit tunngaveqassaaq, aalajangersaasinnaalluni, utaqqiisaasumik itigartikkallarlugi imaluunniit suliarinera unitsikkallarlugi.

Nalilersuinermit KANUAANA-mit atsiorneq naqitsissullu kiisalu uppersaatiit normua aamma isumannaallisaanermut ilisarnaat asseqanngitsoq ingerlaannartumik ikkunneqartarput. Uppersaatiit nalilersorneqarsimasooq/aalajangersarneqarsimasooq ingerlaannartumik nammineq immersuiffimmi avammut niuruteqartup ilisarnaataani takuneqarsinnaalissaaq nalilersuinerlu pillugu avammut niuertumut e-maili nassiuunneqarluni.

Iserfissaq aqqutigalugu uppersaatiit normuanik kiisalu tassunga atasumik isumannaallisaanermi ilisarnaammik pigisaqartut, soorlu EU-mi oqartussat kikkulluunniit uppersaatiit takusinnaavaat.

Itigartitsinermi paasissutissat peerneqassapput taamaalilluni avammut niuertoq iluarsisoqarnerata kingorna nutaamik immiussisinnaalluni. Itigartitsinermut pissutaasoq pillugu

e-maili peqatigisaanik avammut niuertumut nassiunneqassaaq. Itigartitsinerlu tamatigut itigartitsinerugallartarpoq.
Qinnuteqaammi apeqqutit imaluunniit isumaqatigiinngissutit pillugit avammut niuertumut attaveqarnissaaq pisariaqartinneqarpat taamatut allaqatigiinneq mailikkut (F2) imaluunniit oqarasuaatikkullu ingerlanneqassaaq.

3:3:3 SULIAMIK SULIARINNITTUP NALILERSUINERA

Suliamik suliarinninnermi immikkoortut arlaliupput.

Assartuineq pillugu paasissutissat uppersaammut ikkunneqarsimasut nassiussat allagartat ilanngunneqarsimasut ilaatillugit misissorneqassapput. Tassa imaappoq nassiussat allagartaanni normui, umiarsuup assartuisussap ingerlaarfissaa aqqalu kiisalu containerip normua uppersaammut nassiussallu allagartaannut naapertuunnersut. Taamatut misissuinerup siunertaraa nioqqutissat EU-mi unitsinneqaratarsinnaanerisa annikillisinneqarnissaa, kiisalu uppersaapat iluarsineqarneratigut imaluunniit atorunnaarsinneqarneratigut suliakkersuutit annikillisillugit.

Aammattaaq nassiussat allagartaanni annertussutsit uppersaanermi annertussutsinik anneruneri qulakkeerlugu. Tamatumunnga pissutaavoq nassiussat allagartaanni annertussutsit tassaammata tamakkiisumik oqimaassuseq, taamaattumillu uppersaammi annertussutsinit annertunerusussaalluni.

Tulliatut akiligassami/nassiunneqartunut allagartami tunisassiat aamma nioqqutissartaasa annertussusii uppersaammi allanneqarsimasunut naapertuuneri qulakkeerneqassaaq. Taamatut misissuinerup siunertaraa nioqqutissat EU-mi unitsinneqaratarsinnaanerisa annikillisinneqarnissaa, kiisalu uppersaapat iluarsineqarneratigut imaluunniit atorunnaarsinneqarneratigut suliakkersuutit annikillisillugit. Nikingasoqarsinnaanera akuerineqassaaq taakku akunnaallisaanermik taamaallaat peqquteqarpat. Akunnaallisaanerunngitsumik nikinganeq pissuteqarpat nalilersuisimaneq itigartinneqarallassaaq, avammullu niuertoq nikingassutaasumik pissutaasut kukkunerit iluarseqqullugit qinnuigineqarluni.

Isumaqatigiinngitsoqarpat nalilersuineq itigartinneqarallassaaq avammullu niuertoq uppersaatinik iluarsineqarsimasunik nassiuseqquneqarluni.

Kingulliullugu pisanut nalunaarutigineqartunut aalajangersimasunut annertussutsit nalunaarutigineqartunniit annertunerusut avammut niuerutigineqartut allanneqannginnissaat qulakkeerneqassaaq. Assersuutigalugu taamaalluni 100 kilut qalerallit pisarineqartunniit qalerallit 1 tons avammut niuerutigineqarsinnaanatik. Misissuinermut tassunga aalisakkanit nioqqutissat kiisalu pisanik nalunaarutit uumatillugit oqimaassutsinut naatsorsorneqassapput taamaalluni annertussutsit taakku marluk assersuunneqarsinnaallutik, peqatigisaanik pisanik nalunaarummit aalajangersimasumiit avammut niuerutigineqartut annertussuseq ingerlaavartumik katinneqassalluni.

Naatsorsueqqinnermi kisitsisit atorneqarnerpaajusartut pisat ilaasa nalunaarutigineqarnerini naatsorsueriaatsit pillugit Namminersortutik Oqartussat nalunaarutaat nr. 5, 22. marts 2012-imeersumut ilanngussami nalunaarsorneqarput. Siuliani ilanngussami naatsorsueriaatsimik nalunaarsorneqarsimanngitsumik tunisassiamik avammut niuertoqarpat paasissutissaaq EU-miit aamma nunani avannarlerni nunanit allaniit aaneqassaaq. Tamanna ajornarpat naatsorsueriaaseq avammut niuertoq peqatigalugu aalajangerneqassaaq.

Assimi ataaniittumi uppersaapat suliarinissaa siunertaralugu KANUAANA-mi sullissisup isigisartagaa skærmi takutinneqarpoq:

Assimi tunisinermi normu isertuussinissaq pissutigalugu peerneqarsimavoq, taakkuli kolonne A1-imi nalunaarsugaallutik.

Kolonnini D1-3-mi avammut niuerutigineqartoq oqimaassuseq tamarmiusoq tunisat suliarineqanngitsut annertussusiini imaluunniit tunisassiap oqimaassusianit ilanngaatigineqassaaq.

Kolonnini E1-3-mi avammut niuerutigineqartoq oqimaassuseq tamarmiusoq oqimaassutsimit nalunaarutigineqartumit tamarmiusumit ilanngaatigineqassaaq, marluullutik uumasutut oqimaassusemut naatsorsorneqartut.

Naatsorsueriaaseq ukioq naallugu agguaqatigiissitsinerummat suliffissuarnullu tamanut atuummat taamatut nikinganerit akuerineqarput, naak taanna annertuallaamik avammut niueruteqarnermik ersersitsigaluartoq.

Akueriumasamut killit tabelimi ataaniittumi nalunaarsorneqarput.

Pisat nalunaarutigineqartut annertussusii kiilu	Akueriumasamut killeq, annerpaamik sinneqartumik avammut niuerutigineqartut
0-50	< 50 kg
51-100	< 100%
101-500	< 85%
501-1000	< 70 %
1001-2500	< 50 %
2501-5000	< 40 %
5001-sinnerlugit	< 15 %

Aalisakkani ataatsini aalisakkanit nioqqutissiat tamakkiisumik annertussusaat aalisakkanut taakkununga pisanik nalunaarutit tamakkiisumik annertussusai assigippagit imaluunniit inorpagit uppersaat imaaliillaannarluni aalajangersarneqarsinnaavoq. Katersorneqartuni annertussusit oqimaatigiissinnerinik misissuinerup pisanik nalunaaruteqarneq aalajangersimasut arlaleriarlugit avammut niuerutigineqannginnissaat qulakkiinngimmagu aamma pisanik nalunaarutit ataasiakkaat misissorneqarneri ilanngunneqassapput.

Pisanit nalunaarummiit avammut niurutigineqartut annertussusii pisat nalunaarutigineqartut annertussusiinik annertuneruppata pisanik nalunaaruteqarneq taanna tamakkiisumik avammut niurutigineqartutut isigineqassaaq, taamaalillunilu siunissami nioqutissiassanik avammut niurutigineqartutut allanneqarsinnaanani. Nalilersuinerup itigartinneqarnissaa pinngitsoorniarlugu tamakkiisumik avammut niurutigineqarpata pisanik nalunaaruteqarneq avammut niuernermut paarnaarneqassaaq, taamaalilluni pisanik nalunaarutit allassimaffiini avammut niuruteqartoq uppersaammik immersuinermi kukkussalluni.

3:3:4 UPPERNARSAAMMIK TIGUSINEQ

Avammut niuertoq nammineq immersuinermit uppersaait nalilersorneqarsimasut tigussavai. Uppersaaitip eqqussuisumut nassiunneqarnissaanut avammut niuertoq akisussaavoq.

KANUAANA isumaqarpoq uppersaammik atulersitsineq akornutitaqanngitsumik ingerlasoq, uppersaaitillu tiguneqartut amerlanersaat ulloq taanna tiguneqarfimminni suliarineqartarlutik.

Tabelip ataaniittup takutippaa uppersaait qassit ukioq 2016-imiit 2019-imut KANUAANA-mit akuerineqarsimanersut itigartinneqarallarsimasullu ukiunut agguarlugit. Ataaseriaannaranik kukkunertalimmik nassiussisoqarsimappat uppersaait ataaseq ataatsimi amerlanerusunik itigartinneqarsinnaavoq.

Tabel 1: Uppersaait aalajangersarneqarsimasut itigartinneqarallarsimasullu amerlassusaat, ukioq 2016-2019

Ukioq	Uppersaait aalajangersarneqarsimasut amerlassusaat	Uppersaait itigartinneqarallarsimasut amerlassusaat	Uppersaait atorunnaarsinneqarsimasut amerlassusaat*
2016	2396	645	46
2017	2223	422	47
2018	2135	451	25
2019	2045	371	43

*Kisitsimmiippat uppersaait pillugit qinnuteqaatit avammut niuertup nammineq atorunnaarsissimasai. Avammut niuertup kukkuneq nammineq paasippagu tamanna akuttunngitsumik pisarpoq

Uppersaait arlallit nassiussamat ataatsimut atasinnaapput. Tabelimi ataaniittumi nassiussinerit qassit ukiumut KANUAANA-mit uppersaaitinik aalajangersarneqarsimasut. Tassani aamma takuneqarsinnaavoq nassiussinerit qassit uppersaaitaata atasiarlutik itigartinneqarsimanersut.

Tabel 2: Aalajangersarneqarsimasut itigartinneqarallarsimasullu nassiussat amerlassusaat, ukioq 2017-2019

Ukioq	Nassiussat uppersaammik qinnuteqarfiusut amerlassusaat	Nassiussat uppersaammik tunineqarsimasut amerlassusaat.	Nassiussat uppersaammik-qinnuteqarfigin eqartut itigartinneqarallarsimasut amerlassusaat	Nassiussat uppersaammik-qinnuteqarfigin eqartut ataasiaannarlutik itigartinneqarallarsimasut amerlassusaat*	Qinnuteqaam mik-qinnuteqarfigin eqartut atorunnaarsinneqartut amerlassusaat**
2017	2021	1652	328	307	41

2018	1933	1590	322	295	21
2019	1808	1492	279	276	37
<p>*Nassiussanut uppersaammik qinnuteqaat itigartinneqarallarpat qinnuteqaammut tassunga iluarsisoqarnissaa noqqaassutigineqartarpoq. Uppersaat suli naammanngitsumik iluarsineqarsimappat itigarteqqinneqarsinnaavoq. Immersugassamiippat uppersaatit ataasiaannarlutik itigartinneqarallarsimasut.</p> <p>**Kisitsimmiippat nassiussat avammut niuertup nammineq atorunnaarsissimasai. Avammut niuertup kukkuneq nammineq paasippagu tamanna akuttunngitsumik pisarpoq</p>					

3:4 CATCH

CATCH tassaavoq eqqussuinnermi paasissutissaasivik digitaliusoq nutaaq, UNK aalisarnerup suli pitsaaliomeqaqqinnissaanut EU-p ineriartortissimasaa, CATCH 2019-mi saqqummiunneqarpoq 2021-illu ingerlanerani atulersinnissaa naatsorsuutigineqarluni.

The Environmental Justice Foundation, Oceana, The Pew Charitable Trusts-imit aamma WWF-imit suliarineqartoq nalunaarusiaq tunuliaqutaralugu CATCH-ip eqqunneqarnissaa EU-p ilaatigut toqqarsimavaa¹. Nalunaarusiami inerniisooqarpoq maannakkut aqqissuussinnermi ajornartorsiut tassaasoq pisat uppersarneqarsimasut tamamik uppersaatip normuani asseqanngitsumik pappiliamik uppersaammik allagartalerneqartarnerat, uppersaatilli ajornanngitsumik assileneqarsinnaallutik aamma pisanut uppersarneqarsimanngitsunut allanut ilanngunneqarsinnaallutik.

CATCH atorlugu siunissami EU-mi tumisiuisinnaaneq ajornarunnaassaaq, aamma nioqutissat nunamut allamut niuertugeqqinneqarpat assersuutigalugu suliareqqiinnermi kingornalu EU-mut eqquteqqinnerini. CATCH atorlugu uppersaatit paasissutissanngussapput, aamma nunat akornanni pitsaanerumik misissorneqarsinnaalissallutik.

LULI-miit toqqaannartumik CATCH-imut aalajangersarnermi paasissutissat nuunneqarsinnaaneri pillugit KANUAANA EU-mik oqaloqateqarpoq taamaalillunilu aqqissuussinerit akornanni ataqatigiinneq qulakkeerneqarluni, taamaalillunilu avammut niuerteqartut paasissutissanik atorlutut assaannarmik ikkussuisarunnaarlutik.

3:5 FAO-MI KAJUMISSUTSIMIK NAJOQQUTASSIAT

FAO (Food and Agriculture Organization of the United Nations) pisat pillugit uppersaatit qanoq isikkoqarsinnaanerinut najoqqutassanik arlalinnik inerisaasimavoq. FOA-mit tikkuarneqarpoq pisat pillugit uppersaanermik aqqissuussinerit nunani tamalaani inatsisinut attuumassuteqartunut naapertuutissasut, tassunga ilanngullugu assersuutigalugu NP imarmi pisinnaatitaaffiit pillugit isumaqatigiissut aamma FOA-mi Code of Conduct for Responsible Fisheries.

Pisat pillugit uppersaatinik aqqissuussinerit niuernermit pisariaqanngitsumik aamma akornusiissanngillat. Taamaalilluni pisat pillugit uppersaatinik aqqissuussinnermi siunertaq erseqqissaaq taamaalilluni siunertaminut naapertuunnissaa siunertaralugu aqqissuussineq suliarineqarsinnaalluni peqatigisaanillu aqqissuussinerup sunnigaanut sapinngisamik annikinnerpaamik nammatassiissalluni.

Tamatuma saniatigut pisat pillugit uppersaatinik aqqissuussinerit naapertuutissallutik, taamaalilluni pisat uppersaarnerinut atorneqartut isumalluutit annertussusaat UNK-aalisakkanik nioqutissat niurfimmuut appakaannissaannut pisat pillugit uppersaatinik

¹ http://www.iuuwatch.eu/wp-content/uploads/2016/07/IUU_Exec_summ_21July_rg_hi.pdf

aaqqissuussinerit akornusiinissaannut naapertuullutik. Pisat pillugit uppernarsaanermi aaqqissuussinerit aamma tamanna ajornanngippat nalominartunik tunngaveqarlutik, tatiginarlutik, pisariunatik, paasiuminarlutik elektroniskiussallutillu².

3:6 KANUAANA-P EU-P UPPERNARSAANERMIK AAQQISSUUSSINERNUT TULLUARSARNISSAANIK NALILERSUINEQ

3:6:1 Uppernarsaatit nalilersorneqarsimasut atorunnaarsinneri

Assartuineq pillugu paasissutissat uppernarsaammi allanneqarsimasut maannakkut assaat atorlugit misissorneqartarput taakku nassiussat allagartaannit ilaasumiit paasissutissanut naapertuunnersut. Aammattaaq avammut niuerutigineqartut annertussusii uppernarsaammi allanneqarsimasut avammut niuernermi uppernarsaatinut allanut naapertuunnersut misissorneqartarlutik, soorlu akiligassani aamma/imaluunniit annissinermik allagartani. Paasissutissat taakku imminnut naapertuuppata uppernarsaat aalajangersarneqassaaq.

Ukiunut uppernarsaatini 240-t missaanni assartuineq pillugu paasissutissat aamma/imaluunniit avammut niuerutigineqartut annertussusii uppernarsaammi allanneqarsimasunut paasissutissanut naapertuunneq ajorput. Uppernarsaatit taakku iluarsineqarmissaat siunertarlugu itigartinneqarallartarput taamaalilluni uppernarsaammi paasissutissat tamarmik eqqortuuneri qulakkeerneqarluni. Paasissutissat taakku eqqortuuneri KANUAANA-mit siunissami qulakkeerneqassanngippata kukkuneq taanna sulii iluarsineqartussaassaaq, aatsaalli nalilersuereernerup kingorna. Uppernarsaammi aalajangersarneqarsimasumi naqqiisoqarsinnaanngimmat taakku kukkunertallit - kisiannili uppernarsaatit aalajangersarneqarsimasut atorunnaarsinneqaaqqaassapput, tamatumalu kingorna avammut niuertoq uppernarsaammik nutaamik qinnuteqarluni.

Atorunnaarsitsinerit amerlassusaat ukiumut 35-it missaanniit 240 missaannut qaffassammat pisariaqarpoq maannakkut aaqqissuussinerup tulluarsarnissaa aamma avammut niuertup nammineq immersuinerminiit toqqaannartumik atorunnaarsitsinissaanut periarfissaqalersillugu.

Kukkunermik naqqiinerit aalajangersaanerup siornatigut kingornanut kinguartinneqarneri pineqarmat uppernarsaatit "pisoqaaneruset" atorunnaarsinnissai pineqanngillat, kisianni assersuutigalugu ullut 30-it iluani piffissami aalajangersarneqarsimasut uppernarsaatit atorunnaarsinnissai pineqarlutik. Uppernarsaatit pisoqqat atorunnaarsinnissaannik pisariaqartitsisoqarpat tamanna maannatulli isumagineqassaaq, tassa imaappoq KANUAANA-mi sullissisumut saaffiginnikkut.

3:6:2 Aalajangersaanerup ilaannakuusumik nammineq pisalernissaa

Assartuineq pillugu paasissutissat eqqortuuneri kiisalu avammut niuerutigineqartut annertussusiinut naapertuuneri KANUAANA-mit siunissamik qulakkeerneqartassanngippata uppernarsaatinik tamanik aaqqissugaasumik nalilersuinermit pissutaasut marluk atorunnaassapput.

Tamanna isumaqarpoq uppernarsaatinik aalajangersimasumik aalajangersaaneq, avammut niuerutigineqartut annertussusii tunisat annertussusiinik qaangiinngitsut, tunisassiat oqimaassusia imaluunniit oqimaassuseq naatsorsoqqitaq, nammineq ingerlasussanngussapput.

Taamaalilluni uppernarsaat aalajangersimasumik naliliffiginagu aalajangersarneqarsinnaanera pillugit nutaamik nalilinnissaaq ilanngunneqarsinnaassaaq. Uppernarsaatip ingerlaannartumik aalajangersaaneq pillugu malittarisassanik eqqortitsippat tamanna immiussinerup kingorna sivisunerpaamik 3 minutsit ingerlanerini pisassaaq.

Aammattaaq isumaqarluni uppernarsaat ingerlaannartumik nalilersorneqanngitsoq, maannamutut aalajangersimasumik nalilersuinermit nuuttassaaq.

² *Voluntary Guidelines for Catch Documentation Schemes* (2017) <http://www.fao.org/3/a-i8076e.pdf>

3:6:3 Naleqqiussisinnaassuseq pingaangitsunullu killit

Naleqqiussinermi tunngaviup EF-imit uppernarsaasiisarnerup atulersinnera pillugu sulianik aalajangersimasumik suliarinninnerup ilaatut isigineqarnera qanoq pitsaanerpaamik qulakkeerneqarsinnaava. Nassuerutigineqartariaqarpoq pisuni ataasiakkaani assersuutigalugu annertussutsinik annikitsumik nikinganerisa avammut niuerneramik unitsitsisinnaanera, tamannalu suliani taakkunani naleqqutinngitsutut isikkoqarluni.

3:6:4 Ilusit

Iluseq 1: Maannakkut aaqqissuussineq tunngavigineqarpoq, kisianni pisat annertussusiinik misissuinermit allaffissornikkut killilerlugu - raajani 48 % aamma saattuani 80 %.

Iluseq 2: Maannakkut aaqqissuussineq ilaannakuusumik nammineq ingerlasussaassaaq, taamaalilluni avammut niuertoq nalunaarsuinerup eqqortuuneranut nammineq akisussaalluni, atorunnaarsitsinerli KANUAANA-mit taamaallaat isumagineqarsinnaalluni. (Aki 50000,- kr.-it missaat)

Iluseq 3: Maannakkut aaqqissuussineq ilaannakuusumik nammineq ingerlasussaassaaq, taamaalilluni avammut niuertoq pisanut uppernarsaammik qaammatip ataatsip iluani nammineq akisussaalluni. Qaammatip 1-ip kingorna atorunnaarsitsineq KANUAANA-mit isumagineqassaaq. (Aki 100000,- kr.-it missaat).

Iluseq 4: Maannakkut aaqqissuussineq tunngavigineqarpoq, kisianni pisat annertussusiinik misissuinermit allaffissornikkut killilerlugu - raajani 48 % aamma saattuani 80 %. Aaqqissuussinermik nalilersuineq aaqqissuussinerullu ingerlaneramik misissuineq nalunaarusiap matuma atsiorneqarneraniit ukiut 2 qaangiunnerini ingerlanneqassapput.

3:7 KANUAANA-P EF-IMIT UPPERNARSAASIISARNERMIK AAQQUSSUUSINERANIK TULLUARSAANEQ PILLUGU INNERSUUSUTIT

Ataatsimoorussamik aaqqiinissaq siunertarlugu ilusip sisamaata toqqarneqarnissaa suleqatigiissitamit isumaqatigiissutigineqarpoq, killissatut allaffissornikkut aalajangersarneqartut aaqqissuussinermut ikkunneqarpata aaqqissuussineq qanoq ingerlanersoq misissorneqarluni.

Amerlanerussuteqartut isumaqarput qaangiisinnaanerat sukkaasumik oqarasuaatikkut atassuteqarnikkut misissorneqartassasut, kingornalu nikingassutaasunut pissutaasut oqaaseqaateqarnissamut immersuiffimmut allanneqarlutik pisallu pillugit uppernarsaat tamatuma kingorna akuerineqarsinnaalluni.

Amerlanerussuteqartut isumaqarput pisat tunineqartut annertussusaannik annertuumik qaangiisumik pisanik avammut niuertoqassanngitsaq.

Ikinnerussuteqartut GE, RG aamma PSG oqarput maannakkut
aaqqissuussinerup allanngortinneqarnani ingerlaannarnissaa tulluanngitsoq.
Imatut isumaqartoqarpoq nalilersuineq uppersaanikkut pissasoq, tunisinerit
ataasiakkaat tamaasa immikkoortillugit nalilersornissaannut taarsiullugu.
Maannakkut aaqqissuussineq suliffissuarnut piffissamik atuiffiuallaarpoq,
aaqqissuussinermi kukkusumik nalunaaruteqartarnernut pissutaalluni.

KAPITEL 4 - KANUAANA-P INATSIITIGUT TUNNGAVIA.

4:1 KAMMERADVOKATIP ILISIMATITSISSUTAA

Quppernerna tulluuttunippoq pisat pillugit uppersaait aalangersarnissaannut KANUAANA-p tunngavia pillugu kammeradvokatip ilisimatitsissutaa. Ilisimatitsissut 13 marts 2020-mi tiguneqarpoq.

Pisat pillugit uppersaait aalangersarnerinut tunngavik pillugu ilisimatitsineq

1. AALLAQAASIUT INERNILIINERLU

Unioqutitsisumik, nalunaarutigineqanngitsunik killeqanngitsumillu aalisarneq pitsaaliorniarlugu, pinngitsoortinniarlugu unitsinniarlugulu EF-imi aqqissuussineq pillugu Siunnersuisoqatigiit peqqussutaata (EF) nr. 1005/2008 29 september 2008-meersup atulersinnerata kingorna kalaallit nunaanni inatsisit peqqussummi immikkoortorta 12, imm. 3 naapertorlugu pisanut uppersaait nalilersarnerinut, EU-mut aalisakkanit tunisassianik avammut nuernermit atugassanik, inatsisitigut pisariaqartumik tunngavinnik imaqarnersut qulaajarnissaannut Advokatfirmaet Poul Schmith-ip ikiuunnissaanut Namminersorlutik Oqartussanit qinnuigineqarsimavoq.

Ataatsimut isigalugu inerniliinerput tassaavoq pisat pillugit uppersaait aalangersarneri inatsisitigut tunngaveqarnissamut akertuunermik aqunneqarsimanissaannut isumaqassalluni tunngavissaqanngitsaq.

Tassani pingaartumik pingaartipparput Inatsisartut inatsisaanni nr. 17, 3. december 2009-meersumi UNK-peqqussummi piimasaqaatit naammassineqarnerinut atatillugu Kalaallit Nunaanni Aalisarsinnaanermut Akuersissutinik Nakkutilliisoqarfup (KANUAANA-p) aalisarneq pillugu inatsit naapertorlugu UNK-uppersaammut tunngatillugu suliasanik arlalinnik isumaginissaanut inatsisiliortuunil naatsorsuutigineqarsimanera erseqqittoq.

Tamatuma saniatigut pingaartipparput KANUAANA-p suleriaaseq malissimasaa malillugu pisat pillugit uppersaatinik nalilersuineq suliffeqarfut inatsisitigut inatsisimaneranni annertuumik akertuunermik kinguneqarsimanngitsaq, UNK-peqqussummi piimasaqaatit aallaavigalugit nalilersuineq imaqartoq, aamma pisat pillugit uppersaatinik nalilersuinermit suleriaaseq isumarput malillugu uppersaait nalinginnaasumik kinaassusersuunngitsut tunngavigalugit pisimasoq paasisuunartumillu aqunneqarsimasut ilaatigut nammineq immersuisarnermik aqqunermi ilitsersuut erseqqissaq tunngavigalugu.

Peqatigisaanilli maluginiarlutigu torersuunissanik pissuteqartumik pisat pillugit uppersaatinik nalilersuinissaq pillugu qinnuteqaatinik aqqissugaasumik suliarinnineq siumut sammisumik tulluortoq, aalisarneq pillugu inatsimmi § 26 naapertorlugu nalunaarutip atulersinnerani malittarisassat eqqunneqarnerisigut.

2. INATSISITIGUT TUNNGAVIIT

2:1 UNK-peqqussut malillugu pisat pillugit uppersaatit nalilersorneri

Unioqqutitsisumik, nalunaarutigineqanngitsunik killeqanngitsumillu aalisarneq pitsaaliorniarlugu, pinngitsoortinniarlugu unitsinniarlugulu EF-imi aqqissuussineq pillugu Siunnersuisoqatigut peqqussutaata (EF) nr. 1005/2008 29 september 2008-meersup ("UNK-peqqussut") ilaatigut unioqqutitsisumik, nalunaarutigineqanngitsunik killeqanngitsumillu aalisarnikkut pissarsiarineqarsimasunik aalisakkanit nioqqutissanik EU-mut eqqussinissap pinngitsoortinnissaa pillugu aalajangersagaqarpoq.

Peqqussummi immikkoortorta 2, nr. 1-4 unioqqutitsisumik, nalunaarutigineqanngitsunik killeqanngitsumillu aalisarneq pillugu nassuiaanermik imaqarput.

"Unioqqutitsisumik" aalisarneq tassaavoq nunami imaluunniit nunani tamalaani malittarisassanik akerliusumik aalisarneq pillugu pingaarnertigut ataatsimut taaguutaavoq, assersuutigalugu akuersissuteqarnani imaluunniit akuerisaasunik atortoqarnani il.il. Taamaalilluni immikkoortortami 2, nr. 2, litra a)-c)-mi takuneqarsinnaavoq "unioqqutitsisumik" aalisarneq ilaatigut tassaasoq aalisarneq naalagaaffiup oqartussaafigisaani akuersissuteqarnani imaluunniit naalagaaffiup inatsisai allaffissornikkullu aalajangersagaanut akerliusumik ingerlanneqartoq. Tamatuma saniatigut "unioqqutitsisumik" aalisarnermut aamma ilaavoq aalisarneq nunarsuup immikkoortuani aqutsinikkut suliniaqatigiiffimmi isumaqatigussummi peqataasumi naalagaaffimmi nalunaarsugaasumik aalisariummiit ingerlanneqartoq, angallatilli suliniaqatigiiffiup akuerisaanut allannngutsaaliuinermi aqutsinermilu aqqinernut akerliusumik aalisarlutik, aamma naalagaaffinnut pituttuisuusut imaluunniit nunani tamalaani aalajangersakkanut akerliusut.

"Nalunaarutigineqanngitsaq" aalisarneq tassaavoq oqartussanut attuumassuteqartunut aalisarnermut nalunaarutigineqanngitsumut ataatsimut taaguut. Aalisarneq nalunaarutigineqanngitsaq pinngitsoorani unioqqutitsinerusariaqanngilaq. Immikkoortorta 2, nr. 3, litra a) aamma b) malillugu taaguummumut ilaatigut ilaavoq nunami inatsisit allaffissornikkullu aalajangersakkat naapertorlugit nunami oqartussanut attuumassuteqartunut nalunaarutigineqanngitsaq aalisarneq, imaluunniit aalisarneq nunarsuup immikkoortuani aalisarnermik aqutsinermi suliniaqatigiiffiup piginnaatitaaffiata iluani ingerlanneqartoq, aamma suliniaqatigiiffiup pineqartup nalunaaruteqarnermi suleriaatsinut akerliusumik nalunaarutigineqanngitsaq imaluunniit kukkusumik nalunaarutigineqartoq.

Kiisalu immikkoortortaq 2, imm. 4, litra a) aamma b) malillugu "killeganngitsumik" aalisarnejq tassaalluni nunarsuup immikkoortuani aalisarnermik aqutsinerimi suliniaqatigiiffiup oqartussaaffigisaata iluani aalisariutinit naalagaaffinnut atassuteqanngitsunit tassani allanngutsaaliuinermit aqutsinermilu aqqiunernut akerliusumik ingerlanneqartoq, imaluunniit tamanna allanngutsaaliuinermi aqutsinermilu aqqiunernik aalajanguffigineqanngitsumi sumiiffinni imaluunniit aalisakkani ingerlanneqarpat, naalagaaffiit akornanni pissutsinut tunngasumik maleruagassaat malillugit imaani isumalluutini uumasunik allanngutsaaliuinermit nunat akisussaaffiunut ataqatigiissinneqarsinnaanngitsumik ingerlanneqartoq.

Kalaallit Nunaat eqqarsaatigalugu nunarsuup immikkoortuani aalisarnermik aqutsinerimi suliniaqatigiiffik tassaavoq Atlantikup Avannamut Kangiani Aalisarnikkut suliniaqatigiiffik (NAFO) aamma Atlantikup Avannamut Kangiani Aalisarnermut Ataatsimiititaliaq (NEAFC). Suliniaqatigiiffinni taakkunani aalisarnermik aqutsineq aamma allanngutsaaliuineq il.il. pillugit arlalinnik isumaqatigiissuteqarpoq, aalisarnejq pillugu inatsimmi §§ 23 aamma 26 naapertorlugit atulersinneqarsimasut nalunaarutit aqutugalugit Kalaallit Nunaanni naammassineqarsimasut, erseqqinnerusumik takuuk ataaniittoq.

Peqqussummi kapitali III aalisakkanit nioqqutissanik eqqussuineq avammullu niuernejq pillugu pisat pillugit uppersarsaatit pillugit malittarisassanik imaqarpoq. Pisat pillugit uppersarsaammi siunertaq pingaartumik tassaavoq UNK-aalisarnermeersunik aalisakkanit nioqqutissanik EU-mut eqqussuinissamut inerteqqussut. Immikkoortortaq 12-mi tamanna pillugu aalajangarsarnejqarpoq.

"KAPITALI III

AALISAKKANIT TUNISASSIANIK EQQUSSUINEQ AVAMMULLU NIUERNEQ PILLUGU PISAT PILLUGIT UPPERNARSAATINIK AAQQUSSUUSSINEQ

Immikkoortortaq 12

Pisat pillugit uppersarsaatit

- 1. UNK-aalisarnermeersunik aalisakkanit tunisassianik EU-mut eqqussuineq inerteqqutaavoq.*
- 2. Imm. 1-imi inerteqqussut sunniuteqartinniarlugu aalisakkanit nioqqutissiat peqqussut taanna naapertorlugu pisanut uppersarsaammik ilaqartillugit EU-mut taamaallaat eqqunneqarsinnaapput.*
- 3. Imm. 2-mi pisanut uppersarsaat erfalasogarfiusumit imaluunniit aalisakkanit nioqqutissanik aalisariutinit pisarineqartunik naalagaaffimmit nalilersorneqassaag. Taamatut pisat inatsisit. allaffissornikkut aalaingarsakkat aamma nunani tamalaani aqutsinermi allanngutsaaliuinermilu aqqiinerit atuuttut malillugit*

pisarineqartut uppernarsarniarlugit uppernarsaat
atorneqassaaq.

4. Pisanut uppernarsaat ilanngussaq II-mi
allanneqarsimasunik paasissutissanik tamanik imaqassaaq
aamma naalagaaffimmi erfalasoqarfiusumi pisortani
oqartussanit nalilersorneqassaaq paasissutissallu
eqqortuunerinik uppernarsaat ilaatinneqassalluni. Pisanut
uppernarsaat immikkoortortaq 20, imm. 4 malillugu
suleqatigiinnermi sinaakkusiussat iluanni naalagaaffinnit
erfalasoqarfiusunit isumaqatigiissuteqarnikkut
suliarineqassaaq, aalajangersarneqarluni imaluunniit
elektroniskimik nassiunneqassaaq imaluunniit
elektroniskimik tumisiuissutinit taarserneqarluni,
oqartussat taamaaqataanik nakkutilliinernik atuinerannik
qulakkeerisoq.

[]” [uani erseqqissarneqarpoq]

Pisanut uppernarsaammi paasissutissat erseqqinnerusut ilaasussat, eqqortuunerisalu
naalagaaffimmit ilaasortaasumit nalilersorneqartussat peqqussummut ilanngussaq II-mi
immersugassamit takuneqarsinnaapput. Ilaatigut paasissutissat uku pineqarput:

- Avammut nuertup aqqa najugaalu
- Aalisariut pillugu paasissutissat, tassunga ilanngullugu naalagaaffik
erfalasoqarfiusooq, umiarsualivik najugaqarfiusooq, kalerrisaarut aamma
aalisarnermut akuersissutip normua, kiisalu angallatip naalagaa pillugu paasissutissat
- Aalisakkanit nioqqutissiat pillugit paasissutissat, tassunga ilanngullugit suuneri,
imartaq pisaqarfiusooq aamma ulloq, uumatillugit oqimaassusiinik tunineqarnerinilu
oqimaassusiinik missilluineq il.il.
- Umiarsualivimmi imaluunniit imaani usilersoqqinneq pillugu paasissutissat
- Allanngutsaaliuinnermi aqutsinermilu aaqqinernut atuuttunut innersuussinerit.

Pisanut uppernarsaat immikkoortortaq 16 malillugu nioqqutissanik eqqussiffiusumut
naalagaaffimmut ilaasortaasumut saqqummiunneqassaaq:

"Artikel 16

PISAT PILLUGIT UPPERNARSAATIT SAQQUMMIUNNEQARNERI MISISSORNERILU

*1 Pisanut uppernarsaat nalilersorneqarsimasooq
nioqqutissamik eqqussiffiusussamut naalagaaffimmi
ilaasortaasumi oqartussanut piginnaatitaasunut eqqussisumit
nassiunneqassaaq, EU-mi nunami eqqunneqarfissaani
nioqqutissap apuunnissaatut naatsorsuutigisaq
kingusinnerpaamik ullut suliffiusut pingasut sioqqullugit.*

Ulluni suliffiusuni pingasuni piffissaliussaq aalisakkanit nioqutissat suuneri, EU-mi nunamut eqqunneqarfissaanut ungasissuseq imaluunniit assartuineri atortut malillugit tulluarsarneqarsinnaavoq. Immikkoortortat 20 aamma 22 naapertorlugit naalagaaffimmit erfalasoqarfiusumit tiguneqartumi nalunaarummi paasissutissat tunngavigalugit aarlerinartoqarnera tunngavigalugu oqartussat piginnaatitaasut misissuissapput."

Immikkoortortaq 18 malillugu pisanut uppernarsaat naalagaaffimmit erfalasoqarfiusumit nalilersorneqarsimangippat naalagaaffik ilaasortaasooq itigartitsinnaavoq.

"Artikel 18

EQQUSSINISSAMIK ITIGARTITSINEQ

1 Taamaattoqartillugu naalagaaffimmi ilaasortaasumi oqartussat piginnaatitaasut EU-mut aalisakkanit nioqutissanik eqqussisoqarnissaa itigartissavaat, uppernarsaatissanik suli allanik qinnuteqarnissaq imaluunniit naalagaaffimmut erfalasoqarfiusumut ikioqquneqarnissaq pisariaqartinnagu, paasigunikku:

a) nioqutissanut pineqartunut pisanut uppernarsaat egaussisumit soqummiunneqarsinnaangippat imaluunniit immikkoortortaq 16, imm. 1 imaluunniit 2 naapertorlugu pisussaaffimminik naammassinnissinnaasimangippat

[]

c) pisanut uppernarsaat immikkoortortaq 12, imm. 3-mi egaaneqartutut naalagaaffimmi erfalasoqarfiusumi pisortani oqartussanit nalilersorneqarsimangippata" >[uani erseqqissarneqarpoq]

Naalagaaffik erfalasoqarfiusooq peqqussummi immikkoortortaq 20 malillugu Kommissionimut naalagaaffiup erfalasoqarfiusup nalunaarutaanik taaneqartumik tunniussissaq, tassani ilaatigut naalagaaffiup erfalasoqarfiusup nakkutilliineri malittarisassaanut il.il. tunngasut. Aalajangersagaq ima imaqarpoq:

"Artikel 20

Naalagaaffimmit erfalasoqarfiusumit nalunaarutit aamma nunanik allanik suleqateqarnek

1. Pegaussutip matuma atornegarnerani naalagaaffimmit erfalasoqarfiusumit aalajangersarneqartumik pisanut uppernarsaatini akuersinissamut tunngaviusoq tassaavoq

una pillugu nalunaarut naalagaaffiup erfalasoqarfiusup
Kommissionimut nassiussimassagaa

a) aalisariutinit eqqortinneqartussat inatsisit,
allaffissornikkut aalajangersakkat aamma
allanngutsaaliuinermi aqutsinermilu aaqqünerit
naammassineqarneri, misissorneri atortinnerilu pillugit
nunami aaqqissuussinerit pileritsisimasoq

b) pisanut uppernarsaatini paasissutissat eqqortuunerinik
atsiornissamut pisortani oqartussat piginnaatitaanerat
taamatullu uppernarsaatinik naalagaaffinnit
ilaasortaasunit noqqaasoqarneratigut
uppernarsaanissamut. Nalunaarut aamma oqartussat
pineqartut kikkuunerinik ilisarnaammut
paasissutissanik pisariaqartinneqartunik imaqassaaq.

2. Nalunaarummi paasissutissat tunniunneqartussat, tak. 1,
ilanngussaq III-mi aalajangersarneqarput.

3. Imm. 1 naapertorlugu nalunaarummik tigusaqarsimaguni
Kommissionip naalagaaffik erfalasoqarfiusoq
nalunaarfigissavaa. Imm. 1-imi paasissutissanik tamanik
naalagaaffik erfalasoqarfiusoq
nalunaaruteqarsimanngippat paasissutissat suut
amigaataanersut Kommissioni naalagaaffimmut
erfalasoqarfiusumut nalunaassaaq nutaamillu
nalunaarummik nassiuseqqullugu.

[]” [uani erseqqissarneqarpoq]

Peqqussummi ilanngussaq III immikkoortortaq 20 malillugu naalagaaffimmit
erfalasoqarfiusumit nalunaarutit imai pillugit aalajangersakkanik erseqqinnerusunik
imaqarpoq;

"ILANNGUSSAQ III

NAALAGA AFFIUP ERFALASOQARFIUSUP NALUNAARUTAI

1 Naalagaaffiup erfalasoqarfiusup nalunaarutaata imaa, tak.
immikkoortortaq 20

Suliassaarfimmi piginnaatitaaffimmi pisortani oqartussat eqqarsaatigalugit atit. najukkat aamma pisortat naqitsisaat pillugit Kommissiوني naalagaaffinnut erfalasogaarfiusunut paasissutisseeqaussaaq:

[]

c) pisanut uppersaatiini paasissutissat eqqortuunerinik uppersaagaqullugu. tak. immikkoortortaq 12. taamatullu uppersaatit aalajangersarlugit

[]” [uani erseqqissarneqarpoq]

UNK-peqqussummi immikkoortortaq 20, imm. 1 naapertorlugu ulloq 19 oktober 2009-mi Namminersorlutik Oqartussat nalunaaruteqarput. Nalunaarummit tassannga takuneqarsinnaavoq ilanngussaq immikkoortoq c eqqarsaatigalugu oqartussat piginnaatitaasut tassaasut Kalaallit Nunaanni Aalisarsinnaanermut Akuersissutinik Nakkutilliisut. Immikkoortortaq 20, imm. 3 naapertorlugu nalunaarummik tigusaqarsimanerminik ulloq 22 oktober 2020-mi Kommissiوني uppersaavoq.

Unioqqutitsisumik, nalunaarutigineqanngitsunik killeqanngitsumillu aalisarnej pitsaaliorniarlugu, pingisortinniarlugu unitsinniarlugulu EF-imi aqqissuussineq pillugu Siunnersuisoqatigit peqqussutaata (EF) nr. 1005/2008 29 september 2008-meersup naammassineqarnissaa pillugu Kommissiوني najoqqutassiaanit ilaatigut aalajangersaalluni sulinermi nunani allani oqartussat inissisimaffii pillugit uku takuneqarsinnaapput:

"5:12 Uppersaatinik aqqissuussinermi peqataallutik akuusut assigiinngitsut inissisimani

[]

C) Nunani allani oqartussat inissisimani

[]

Aalajangersaanerit

Oqartussat piginnaatitaasut naalagaaffiup erfalasogaarfiusup angallataanit pisarineqartunut pisat pillugit uppersaatinik aalajangersaasinnaapput. aalajangersaanissaa pillugu qinnuteqaatin tiguneqarnerani pisat allanngutsaaliuinermi agutsinermilu aagqinerit atuuttut naapertorlugit pisarineqarsimanninneri pillugit paasissutissanik tigungmisagannippat. Pisanut uppersaammik avammut niuertup piffissami saqummiussinerani naalagaaffimmi erfalasogaarfiusumi oqartussat piginnaatitaasut uppersaammik paasissutissat tatiginartuunerisa qulakkeerneqarnissaanut. aamma/imaluunniit allanngutsaaliuinermi agutsinermilu aagqinerit atuuttut eqqortinneqarsimanerminik paasissutissanik pisariaqartunik peqanngippat. imaluunniit eqqortitsineq pillugu oqartussat

piginnaatitaasut nalornissuteqarpat. pisat inatsisinut naapertuunneri pillugit aalajangersaanissamut tulluurtutut isiginegartut misissuinerit uppernarsaanerillu tamaasa ingerlanneqaassapput uppernarsaallu taamaattumik aalajangersarneqarsinnaalluni. Pisat allanngutsaaliuinermi aautsinermilu aqaqinernik atuuttunik eqortitsinnginneranik takussutissaqarpat pisat uppernarsaataanik aalajangersaassanngilaq. UNK-peqqussummi aalajangersaarerup qanoq ingerlanissaa aalajangersarneqanngilaq. Pisanut uppernarsaatit pillugit aalajangersaalluni sulinerup aqqissuunnera nunap allap nammineq isumagissuaa nunamilu inatsisitigut aalajangersaanerit misissuisarnerillu apeqqutaallutik. Paasisutissanik pisariaqartunik katersinermi aalajangersaanermilu nunami misissuinermit aqqissuussinerit aamma atorineqartussaapput. [uani erseqqissarneqarpoq]

2.2 KALAALLIT NUNAANNIT INATSISIT

Aalisarnej pillugu Inatsisartut inatsisaat nr. 18, 31 oktober 1996-imeersoq kingullermi Inatsisartut inatsisaatigut nr. 28, 28 november 2016-imeersukkut allanngortinneqartoq kapitali 7-mi aalisarnerup nalinginnaasumik Naalakkersuisunit killilersuiffigineranut piginnaatitsissutinik arlalinnik imaqarpoq. Inatsimmi § 10 a-mi aalajangersarneqarpoq Naalakkersuisut aalisakkat ilaannik aalisarsinnaaneq aalisarnermilu piumasaqaatit pillugit malittarisassaliorsinnaasut. Taakku saniatigut inatsimmi §§ 14-22 aalisarnermi akuersissutinik pisassiissutinillu tunniussineq pillugu aalajangersakkanik arlalinnik imaqarpoq.

Aalisarnej pillugu inatsimmi eqqissisimatitsineq, piujuartitsinissaq siunertaralugu teknikkikkut iliuutsit il.il. pillugit kapitali 8-muppoq § 23, tassani uku aalajangersarneqarlutik:

"Kapitali 8.

Eqqissisimatitsineq, piujuartitsinissaq siunertaralugu teknikkikkut iliuutsit il.il.

§ 23 Naalakkersuisut pisuussutit illersorneqarnissaat pillugu ilaatigut makku pillugit. malittarisassiorsinnaapput

- 1) piffissat eqqissisimatitsiviisut aamma sumiiffiit aalisarfigeqqusaanngitsut,
- 2) angallatit sannaat atorineqarnerilu. tassunga ilanngullugu atortut aalisariaatsillu aalajangersimasut atorineqarnissaannut inerteqaatit;
- 3) aalisarnermi ileqqorissaarnissamut malittarisassat;
- 4) aalisakkat il.il. minnerpaaffissaat;
- 5) nigartat angissusissaat taakkulu uuttortarneqarnissaat. kiisalu,

6) aalisakkanik allanik aalisarnermi aalisakkanik aalajangersimasumik annertunerpaamik saniatigut pisarineqarsinnaasut.

Imm. 2. Naalakkersuisut piginnaatitsinerisigut maleruagassat, imartat imm. 1, nr. 1-3-mi taaneqartut pillugit, kommunimut kommunalbestyrelsimit pineqartumit Naalakkersuisut akuersissuteqarnerisigut atuutilersinneqarsinnaapput." [uani erseqqissarneqarpoq]

Aalajangersagaq taanna tunngavigalugu pijuartitsineq siunertaralugu aalisarnerup teknikikkut iluarsartuussivigineqarnera pillugu Namminersorlutik Oqartussat nalunaarutaat nr. 4, 30. marts 2017-imeersoq aamma aalisarnermi saniatigut pisat pillugit Namminersorlutik Oqartussat nalunaarutaat nr. 14, 6. december 2011-imeersoq ilaatigut Naalakkersuisunit atulersinneqarsimapput. Nalunaarutit taakku aqutsinermi allanngutsaaliuinermit aqqiinermit arlalinnik imaqarput soorlu nigartat angissusissaannut piumasaqaatit, imartani aalajangersimasuni aalisarnernut assiginnngitsunut inerteqqussut kiisalu aalisarfiit matuneqarneri, aalisariaatsit aalajangersimasut atorineqarnissaannut inerteqqussut, saniatigut pisat iginneqarnissaannut inerteqqussut il.il.

Nalunaarutini malittarisassanik unioqqutitsinerit akilisitaanermik pillaassutaasinnaapput, angallammiillu unioqqutitsilluni aalisarnermi nalunaarutit taakku marluk malillugit aalisarnermi atortut imaluunniit angallatip pisai tamaasa taakkuluunniit nalinginik arsaarinnittoqarsinnaalluni.

Nalunaarutini malittarisassat ilaatigut NAFO Conservation and Enforcement Measuresimi aamma NEAFC Scheme of Control and Enforcementimi allanngutsaaliuinermi aqqiinerit ilaannik naammassinnipput.

Aalisarneq pillugu inatsimmi § 25 aalisarneq pillugu inatsimmik aqutsinermi aamma kisitsisitigut paasissutissanut misissueqqissaarnermi siunertanut kiisalu nakkutilliinermit atugassanik paasissutissiinissamut pisussaaffiit assiginnngitsut pillugit malittarisassanik aalajangersaanissamut Naalakkersuisunut annertuumik piginnaatitsivoq.

Inatsimmik taannalu naapertorlugu malittarisassanik atulersinneqartunik eqqortitsisoqarneranik nakkutilliineq pillugu aalisarneq pillugu inatsimmi § 26 uku allasimapput:

"Kapitali 11.

NAKKUTILLIINEQ

§ 26 Inatsimmi aalajangersakkat inatsillu naapertorlugu malittarisassat malillugit kiisalu nunat tamalaat isumagaatigiissutaat naapertorlugit Kalaallit Nunaat nakkutilliinissamut pisussaaffimminik naammassinninnissaa siunertaralugu nakkutilliisoqartarnissaa pillugu Naalakkersuisut malittarisassaliorsinnaapput.

Imm. 2. Pisat, inatsit malillugu malittarisassianut akerliuseumik pisarineqarsimasut, allanut tunniunneqartarnerat, pisiarineqartarnerat

tunineqartarnerallu pinngitsoortinniarlugit Naalakkersuisut malittarisassiorsinnaapput, taamatuttaaq makku pillugit:

- 1) *pisanik pissarsisimaneq pillugu paasisutissiinissamut pisussaaffeqarneq;*
- 2) *inunnit ingerlatseqatigiiffinnillu il.il., aalisarsinnaatitaanngitsunit pisanik tigusinissamut inerteqquteqarnerit kiisalu*
- 3) *pisarineqarsinnaasut pisarereernerisa kingorna pisanik tigusinissamut inerteqquteqarneq. [uani erseqqissarneqarpoq]*

Aalajangersagaq taanna naapertorlugu nalunaarutiniq arlalinnik Naalakkersuisut atulersitsinikuupput unioqqutitsilluni aalisarnerup inerteqqutaaneraniq eqqortitsisoqarneraniq misissuineranut erseqqinnerusunik malittarisassaqaqartunik, tassunga ilaatigut ilanngullugu aalisarnermik alapernaarsuisut suliassaat pisinnaatitaaffiilu pillugit Namminersorlutik Oqartussat nalunaarutaat nr. 3, 18, marts 2004-meersoq, avataasiorluni aalisarnermik nakkutilliineq pillugu Namminersorlutik Oqartussat nalunaarutaat nr. 18, 9. december 2010-meersoq, sinerissamut qanittumi raajarniarnermik nakkutilliineq pillugu Namminersorlutik Oqartussat nalunaarutaat nr. 20, 16. december 2010 -meersoq, aalisakkanik aalisakkanillu tunisassianik tunisisarnermik nalunaarutiginnittarneq pillugu Namminersorlutik Oqartussat nalunaarutaat nr. 7, 4. april 2016-meersoq.

UNK-peqqussutip aamma Siunnersuisoqatigiit peqqussutaannut (EF) nr. 1005/2008-mut naammassineqarnissaanut aalajangersakkat pillugit Kommissionip peqqussutaani (EF) nr. 1010/2009-meersumik 22 oktober 2009-meersumi naammassinninnissamut aalajangersakkat atulersinnerisa kingorna aalisarneq pillugu inatsit Inatsisartut inatsisaatigut nr. 17, 3 december 2009-meersukkat allanngortinneqarpoq.

Inatsimmut tassunga nalinginnaasumik nassuiaatini ilaatigut uku allassinapput:

"3. Aningaasaqarnikkut allaffissornikkullu pisortanut kingunissai:

[]

Europa Rådet-ip peqqussusiaa UNK-aalisarnerup akiorneqarniarnissaanut.

Europa Rådi UNK-aalisarnermik unitsitsisussat aaqiinerit pillugit [sic; eqqortumik innersuussineq tassaavoq nr 1005/2008] *peqqussut nr. 1007/2008-meersoq atulersippaa. Peqqussummit tassanga aalajangersakkanik atortussanngortitsinikkut (atortuulertussat 01. jan. 2010-mi) kalaallit aalisakkanik galerualinnillu EU-mut nioqquteqarneranni uppersaasersuisarnissaq piimasagaataalersussaavoq. Kalaallit Nunaanni Aalisarsinnaanermut Akuersisutiniq Nakkutilliisoqarfiup uppersaateqartitsinissamik*

aaqaiissuussinerup allaffissornermi atuinerunissaa
naatsorsorsimavaa ukioq naallugu sulisut pineasuussasut.

Nunat allat toqqarsimavaat UNK-mik uppersarsaasersuineq
suliffissuaqarfimmit akilerneqassasoq, tamannalu Kalaallit Nunaanni
ajornassangatinneqanngilaq, akitsuut 60 kr.-iutinnagu 83 kr.-iutikkaanni
matussuserneqarsinnaasalluni. [uani erseqqissarneqarpoq]

Inatsisip allanngortinneranut nassuiaatinit takuneqarsinnaanngilaq uppersarsaasersuineq
pillugu immikkut malittarisassaliortoqarnissaa eqqarsaatigineqarnerisq

KANUAANA pillugu ingerlatsinikkut aningaasaliissutit Kalaallit Nunaanni Aningaasanut
inatsimmi konto 51:01:05-imi takuneqarsinnaapput. Konto taanna pillugu missingersuutini
immikkut allaaserisanit KANUAANA-p suliassai pillugit imatut
allassimasoqarpoq:

*"Aalisarnek pillugu Inatsisartut inatsisaat nr. 18, 31. oktober
1996-imeersoq kingusinnerusukkut allannguuteqartoq
tassungalu atasumik nalunaarutit kiisalu nunani tamalaani
nunallu marluk akornanni aalisarnermut inatsisit aamma
Piniakkat piniarnerlu pillugit Inatsisartut inatsisaat nr. 12,
29. oktober 1999-imeersoq kingorna allannguuteqartoq,
taakkunungalu atatillugit piniarnermut aalisarnermullu
nakkutilliisut suliassaat pisinnaatitaaffilu pillugit
nalunaarutit konto pingaarnermi matumani inatsisitigut
tunngavigineqarput.*

KANUAANA-p aalisarnerup nakkutigineqarnerani aamma
piniarnermik nakkutilliinermi allaffissornek ingerlatsinerlu
isumagisarai, tassunga ilanngullugu aalisariutit
umiarsualivimmiittut nakkutigineqarnerat. Kalaallit nunallu
allamiut pisaannik tunisaannillu ingerlaavartumik
nalunaarsuisoqarlunilu nakkutilliisoqartarpoq kiisalu
inatsisip allanngortarnerata pisariqaartitallu allanngornerisa
malitsigisaanik IT-mi atortunik ingerlaavartumik
naleqaussaasoqartarluni, KANUAANA nunanik Kalaallit
Nunaata aalisarnermik isumagatigiussuteqarfigisimasaanik
suleqateqarluni nunani tamalaani nakkutilliinermik
isumagisaqarpoq, ilaatigut ullormut paasissutissanik
paarlaaqateqartarnikkut. Aammattaag pisassiissutinit
pisarineqaartut pillugit Pinnngortitaleriffimmut,
Naatsorsueqqissaartarfimmut Namminersorlutillu Oqartussat
ataanni suliffeqarfimmut suliarnut attuumassuteqartunut
paasissutissiisoqartarpoq, kiisalu inussutissarsiortunut
avammut niuertunut aalisakkanik annissuinissamut
allagartalinntu ingerlaavartumik paasissutissiisoqartarluni.

[_]" [uani erseqqissaaneq]

Kalaallit Nunaat pillugu isumaqatigiissutit (Kalaallit Nunaannut tunngatillugu Europamiut Peqatigiit pilersinneqarnerat pillugu isumaqatigiissutit allanngortinnerat pillugu isumaqatigiissut, EF-Tidende nr. L 029, 1 februar 1985-imeersoq, q 1-7) allanngortinneqartumut TEUF-imut ilanngussaq II naapertorlugu nunatut EU-mut ilaanngitsutut nunasiisaasimasutut Kalaallit Nunaat inissisimavoq, Unionimullu atassutai immikkoortortaq 52 TEU, immikkoortortaq 355, nr. 2, TEUF aamma TEUF-ip sisamaani (immikkoortortaq 198-204) erseqqinnerusumik malittarisassaqaartinneqarluni. Tamanna ilaatigut isumaqarpoq Kalaallit Nunaanniit aalisakkanit nioqqutissanik EU-mi ilaasortaasunut naalagaaffinnut eqqunneqarneri UNK-peqqussummi immikkoortortaq 12-mut ilaasutut EU-mut eqqussomeqartutut isigineqarput.

UNK-peqqussummi immikkoortortaq 12-ip malitsigisaanik UNK-aalisarnermeersunik aalisakkanit nioqqutissanik EU-mut eqqussisoqarsinnaanngilaq. Inerteqqussutit taassuma naammassineqarnissaa siunertaralugu aalajangersakkami imm. 2-mi aalajangersarneqarpoq pisanut uppersaammik allagartaqarunik aalisakkanit nioqqutissiat aatsaat Unionimut eqqunneqarsinnaasut. Pisanut uppersaasaat taanna paasissutissanik erseqqinnerusumik aalajangersarneqartunik imaqaasaaq aamma imm. 3 malillugu angallammut pisanik pisaaqarsimasumut naalagaaffittut erfalasoqarfiusumi pisortani oqartussanit paasissutissat eqqortuunerinik uppersaasanissamat pisariaqartunik piginnaatitaasumit aalajangersarneqassalluni. Pisat pineqartut UNK-aalisarnermiit pisuunnginnerinik uppersaasanissaaq siunertaralugu aalajangersaasoqasaaq, tassa imaappoq inatsisit, allaffissornikkut aalajangersakkat aamma nunani tamalaani aqutsinikkut allanngutsaaliuinikkullu aaqquinnerut atuuttunut naapertuutissasut.

Namminersorlutik Oqartussat ilisimatitsisimapput aalisakkanit nioqqutissanik EU-mut eqqussineq pillugu UNK-peqqussummi malittarisassanik malinninnissaaq siunertaralugu 2008-2009-mi kalaallit inatsisaanni pisariaqartutit suliniuteqarnermut atatillugu nalunaarutikkut pisanut uppersaasaatit aalajangersarneri pillugit immikkut malittarisassanik aalajangersaasoqarsimannngitsooq KANUAANA-li ilitsersuutitalimmik nammineq immersugassamik ilaatigut pilersitsisimalluni Inuussutissarsiorlutit iserfigisinnaasaanni /www.businessgreenland.gl-mi) pissarsiarineqarsinnaasooq, tassani avammut niuertup uppersaasaatit tulluqartunik paasissutissanik imaqartut immiussinnaallugit aamma ullut suliffiusut 3 iluanni piffissaqarluni pisat pillugit uppersaasaatip elektroniskimik aalajangersarneqarnera tigusinnaallugu.

Namminersorlutik Oqartussat aamma ilisimatitsisipput UNK-peqqussummi piimasaaqatit naapertorlugit aalajangersaaneq tassaasooq aalisarnermut akuersissuteqartoq unioqqutitsisumik aalisarnerup inerteqqummik unioqqutitsisutut nalunaarsugaasimanerani misissuunerusoq. Pisat pineqartut unioqqutitsilluni aalisarnermiit pisarineqarsimanerit pillugit KANUAANA ilisimasaqarpat taamaallaat aalajangersaaneq aallaaviatigut itigartinneqarsinnaavoq. Ilisimatitsisoqarpoq unioqqutitsisumik aalisarnermut inerteqqussutit unioqqutinneqarneranut innersuussisoqarluni pisanut uppersaasaatip aalajangersarneranut KANUAANA-p itigartitsisariaqarnera pisimannngisaannartoq. Namminerli immersuneq kukkunernik nalunaaruteqarsinnaavoq paasissutissat nassiuuneqartut amigaateqarpata il.il., aamma pisuni ataasiakkaani KANUAANA ilaatigut iluanaarutini procentit ilisimatitsisissutigineqartut pillugit uppersaatinik annertunerusunik noqqaasimasooq.

Tamatuma kingorna apeqqutaalerpoq pisanut uppersaatinik aalajangersaanerme manna tikillugu aqutsineq inatsisinik unioqqutitsinerunersoq, inatsisinik tunngaveqarnissaaq naapertorlugu inatsimmi tunngaveqarsimannnginnera pissutigalugu.

Aalisarneq pillugu inatsimmi § 26-mi aalajangersarneqarpoq aalajangersakkat inatsillu naapertorlugu malittarisassat malillugit kiisalu nunat tamalaat isumaqatigiissutaat naapertorlugit Kalaallit Nunaat nakkutilluinissamat pisussaaffimminik

naammassinninnissaa siunertaralugu nakkutillisoqartarnissaa pillugu Naalakkersuisut malittarisassaliorsinnaapput.

Taamatut oqaasertaqartup aalajangersakkap aallaaviatigut kinguneraa nalunaarummik atulersitsisoqassasoq, ilaatigut takuuk allaffissornikkut najoqqutassaliornissaq pillugu Inatsisunik atuutsitsinnermut ministereqarfiup ilitsersuutaa nr. 153, 22 september 1987-imeersumi imm. 4. Taamaattoqarnerali uagut isumarput malillugu namminermi assiginngilaa Namminersorlutik Oqartussat pisanut uppersaatinik manna tikillugu aalajangersaasarnerat inatsisunik unioqqutitsinerusoq.

Inatsisunik tunngaveqarnissap kingunerisaanik pingaarnertut isigalugu ingerlatsineq inatsisunut akkerliuuserisat iliuuseqartussaangilaq (inatsimmi tunngavik piumasarineqartoq), ingerlatsinnermilu iliuuserisat inatsimmi tunngaveqassasut (inatsisunik tunngaveqarnissaq pillugu piunasaqaat), ilaatigut takuuk Karsten Revsbech il.il., Forvaltningsret, 6 udgave 2016, qupperneq 173 aamma Niels Fenger, Forvaltningsret, 1 udgave 2018, qupperneq 299.

Aalisarneq pillugu inatsimmi § 26 Kalaallit Nunaata nunani tamalaani pisussaaffiiniq naammassinninnermi atugassanik misissuinnermut pingaaruteqartunik pissutsinik Naalakkersuisut malittarisassaliornissaannut annertuumik piginnaatitsissummik imaqarpoq. Aalajangersagaq UNK-peqqussummi immikkoortortaq 12 malillugu pisanut uppersaatinik aalajangersaanermut immikkut tunngasuunngikkaluortoq Inatsisartut inatsisaannut nr. 17, 3 december 2009-meersumut nassuiaatini inatsisiliortunit erseqqissumik tunngavigineqarpoq aalisarneq pillugu inatsit naapertorlugu UNK-uppersaatinut tunngasunik suliassanik arlalinnik KANUAANA isumaginnissasoq, aamma aalisarneq pillugu inatsit tassunga piginnaatitsinerik pisariaqartunik imaqartoq. KANUAANA'p UNK-peqqussut malillugu pisanut uppersaatinik aalajangersaanissaa pillugu inatsisiliortumiit taamatut naatsorsuutigisaqarneq ilaatigut piffissap ingerlanerani Kalaallit Nunanani aningaasanut inatsisikkut KANUAANA-p ingerlatsinnermut aningaasaliissutiniit oqaasertaliussanit uppersarneqarpoq.

Tamanna tunuliaqutaralugu naliliinerput tassaavoq pisanut uppersaatinik aalajangersaanertaa inatsisiliortup erseqqissumik naatsorsuutigisaa naapertorlugu pisimasoq taamaalillunilu inatsimmi tunngavimmut piumasarineqartumut akkerliuuserisat pisimannigitsaq.

Ingerlatsiviup sulineranut inatsisitigut tunngaviup erseqqissuunissaanut piunasaqaammut pingaartumik tunngaviuvoq innuttaasup inatsisitigut inissisimaneranik annertuumik akuliuttoqarnerasoq, ilaatigut takuuk Karsten Revsbech, atuakkiaq pineqartoq, qupperneq 179 aamma Steen Bønsing, Almindelig forvaltningsret, 4 udgave 2018, qupperneq 310. Pisimasutut pisanut uppersaatinik aalajangersaanissamut Namminersorlutik Oqartussat pisariaqartutigit inatsisitigut tunngaveqarsimanerat pillugu apeqqut tamatuma kingorna aalajangerup ilusaani ataatsimut naliliinermik tunngaveqartariaqarpoq inatsisini tunngavigineqartanut aalajangersimasunut sanilliullugu.

Paasissutissat pigineqartut malillugit tunngavigalugit KANUAANA-p suleriaaseq malissimasaa malillugu pisanut uppersaatinik aalajangersaaneq suliffeqarfiit inatsisitigut inissisimaneranani annertuumik akuliunnermik kinguneqarsimannigitsaq. Aalajangersaaneq annertuutigit tassaavoq nunat allat eqqussuinnermik nakkutilliineranni atugassanik allaangutsaaliuinnermi aaqqunerit il.il. pillugit nunami malittarisassanik unioqqutitsisoqarsimaneranik paasisaqareersimanerit pillugit nalunaaruteqarneruvoq. Namminersorlutik Oqartussanit suliffeqarfimmuut pineqaatissuunissamut imaluunniit misissuilluni suliniuteqarnissamut tamanna tunngavissuunngilaq, aamma taakku akornanni immikkut inatsisitigut sunniutinik pilersitsinani.

Ingerlaqqilluta maluginiarparput UNK-peqqussummi piumasaqaatinut erseqqissumik inerniisioqarsinnaasoq pisanut uppersaammik aalajangersaaneq sunik imaqqasasoq. Pisanut uppersaammimi paasissutissat pisariaqartut tamakkiisumik peqqussumut ilanngussaq II-mi malittarisassalioqarsimapput, aamma Sunnersuisoqatigut peqqussutaata (EF) nr. 1005/2008, 29 september 2008-meersup naammassineqarnissaa pillugu Kommissionip najoqqutassiaa paasissutissanik taakkuninnga oqartussat isumagisassaannik aalajangersaaneq pillugu erseqqissumik ilitsersuuteqarluni.

Ilisimatissisutiginartut malillugit isumarput aamma tassaavoq pisanut uppersaatinik aalajangersaanermi suleriaaseq kinaassusersiortuusimannigitsaq paasiiminartumillu aqunneqarsimasoq, ilaatigut nammineq immersuisarnermi naammattumik ilitsersuuteqarnera pissutigalugu.

Ataatsimut isigalugu isumaqanngilagut suliamik suliarinnermik erseqqinnerusumik malittarisassaqaartumik nalunaarummik atulersitsisoqarsimanniginnerata malitsigisaanik manna tikillugu aqutsineq inatsisunik unioqqutitsinerusimanniginneranik aalajangersaanissamut tunngavissaqanngitsaq. Ataatsimut naliliinitsinni manna tikillugu suleriaaseq aalisarneq pillugu inatsimmi § 26-mi tunngaveqarsimasoq isumaqarpugut, aalajangersagaq taanna oqaasertamigut tunngavigimmagu "malittarisassanik" atulersitsisoqassasoq.

Peqatigisaanilli maluginiarlutigu torersuunissanik pissuteqaartumik pisanut uppersaatinik nalilersuinissaq pillugu qinnuteqaatinik aqqissugaasumik suliarinnerneq siumut sammisumik tulluartaq, aalisarneq pillugu inatsimmi § 26 naapertorlugu nalunaarutip atulersinnerani malittarisassat eqqunneqarnerisigut.

København, ulloq 13 marts 2020



Sune Fugleholm
Partner, Advokat (H)

4.2. INATISITIGUT TUNNGAVIMMUT OQAASEQAATIT

Amerlanerussuteqaartut sisamat (Royal Greenland A/A, Aalisarnermut, Piniarnermut Nunalerinermullu Naalakkersuisoqarfik, Kalaallit Nunaanni Aalisarsinnaanermut Akuersisutitik Nakkutilliisoqarfik kiisalu siulittaasoq) inatsisitigut tunngavimmik kammeradvokatip isumaanut isumaqataapput.

Ikinnerussuteqaartut 2 (Polar Seafood aamma Sulisitsisut) kammeradvokatip isumaanut isumaqataanngillat. Ikinnerussuteqaartut tassaasut [Polar aamma Sulisitsisut] inatsisitigut tunngavik pillugu apeqqummut atatillugu imatut oqaaseqaateqarput:

[Polar aamma Sulisitsisut] naliliippu iluanaarutinit procentit tunngavigalugit UNK-uppersaatinik aalajangersaanermi itigartitsinissamut inatsisitigut tunngavissaqanngitsaq. KANUAANA-p inatsisitigut tunngavia aalisariutitik tunisinermillu misissuinermut tunngasuvoq, tunisassiorfinnillu misissuinermut tunngasunik inatsisitigut tunngaveqarnani, allaat iluanaarutinit procentit

tunngavigalugit UNK-uppernarsaatinik atulersitsinissap itigartinnissaanut tunngavissaqarnani. KANUAANA-p inatsisinik tunngaveqanngitsumik suleriaasia taamaalilluni inuussutissarsiummut tamarmiusumut annertuumik akuliunneruvoq, tassa KANUAANA-p tunngaviit ilisimatitsissutigineqanngitsut atorlugit avammut niuernissaq ajornarsisimmagu taamaalillunilu nioqqutissat immikkoortut aalajangersimasut naleerutsillugit.

Aammattaaq ajornartorsiutaalluni KANUAANA aalajangiinermini inatsisitigut tunngavinnut innersuussisimannginera. Tamatuma kingorna KANUAANA ilisimatitsisimavoq UNK-uppernarsaatinik aalajangersaannginnissaq pillugu aalajangiineq taamaallaat utaqqiisaagallarnerusoq. KANUAANA-lli aalajangiinermini tamanna allassimangilaa, soorlu aamma KANUAANA ilisimatitsinngitsoq inaarutaasumik aalajangiinissaq qaqugu piumanersoq. Utaqqiisaagallartumik aalajangiinerit pineqartut pillugit nassuiaat taamaattumik pereerneratigut patsissarsiorneruvoq imaaliallaannarlugulu akuerineqartussaananani. Qanorluunniit pisoqaraluarpat pingaaruteqarpoq UNK-uppernarsaatinik aalajangersaanermut atatillugu ingerlatsinermi inatsisit naapertorlugit aamma inatsisit atuuttut iluanni KANUAANA-p sulineranik qulakkeerisumik inatsisitigut tunngavimmik pilersitsisoqarnissaa.

Eqqartuussissuserisunit Gorrissen aamma Federspielimiit ilisimatitsissut nalunaarusiamut ilanngussaq 1-itut ilanngunneqarpoq.

Amerlanerussuteqartut tassunga tunngasumik oqarput ombudsmandi - Folketingip Ombudsmandiat - allakkatigut 24 oktober 2019-imeersutigut ilisimatitsisimasoq uppernarsaatit utaqqiisaasumik itigartinneqarsimasut pillugit suliamik ingerlatitseqqinnissamut tunngavissaqanngitsoq. Ombudsmandi taamaalilluni suliamik utaqqiisaasumik ingerlatsineq imaluunniit aalajangiineq pineqarnersoq pillugu misileqqinnissaanut pissutissaqanngitsoq isumaqarpoq. Ombudsmandi aamma inatsisitigut tunngaviup misileqqinnissaanut pissutissaqanngitsoq isumaqarpoq.

4.3. KAPITALI 10-MUT MISSINGIUT PILLUGU INNERSUUSSUTIT.

Kapitali 10

EF-imit pisanut uppernarsaat (EF-imi aaqqissuussineq, unioqqutitsilluni, nalunaarutiginnittarani killilersugaanngitsumillu aalisarnernik pinaveersaartitsisussaq, pinngitsoortitsisussaq unitsitsisussarlu)

§ 43 Kalaallit Nunaanni Aalisarsinnaanermut Akuersissutinik Nakkutilliisoqarfik naalagaaffiit erfalasoqarfiusut nalunaarutaat naapertorlugu, tak. unioqqutitsilluni, nalunaarutiginnittarani killilersugaanngitsumillu aalisarnernik pinaveersaartitsisussaq, pinngitsoortitsisussaq unitsitsisussarlu EF-imi aaqqissuussineq pillugu peqqussummi (EF) 1005/2008, 29 september 2008-meersumi immikkoortortaq 20, tassaavoq Namminersorlutik Oqartussani oqartussat pisat pillugit uppernarsaatinik aalajangersaanermut akisussaasoq, aalisakkanik avammut niueruteqartoq EU-mi naalagaaffimmi ilaasortaasumut avammut niueruteqarnissamik kissaateqarpat.

Imm 2 Kalaallit Nunaanni Aalisarsinnaanermut Akuersissutinik Nakkutilliisoqarfik pisanut **uppernarsaatinik** aalajangersaanermut internetti tunngavigalugit aaqqissuussinermik pilersitsivoq.

§ 44 Aalisakkanik avammut niuruteqartut taakkuupput aalisakkanit nioqqutissanik avammut niuernermit pisanut **uppernarsaatiminnik** aalajangersaasoqarnissaa pillugu Kalaallit Nunaanni Aalisarsinnaanermut Akuersissutinik Nakkutilliisoqarfimmut qinnuteqartussat, suliami naammattumik paasissutissiisoqarnissaanut akisussaasut.

Imm 2 Aalisakkanik avammut niuruteqartut taakkuupput, internetti tunngavigalugu aaqqissuussineq aqutigalugu, Excelimi atuarneqarsinnaasumik immiussinikkut pisat pillugit **uppernarsaatinik** pilersitsisussaasut. Kalaallit Nunaanni Aalisarsinnaanermut Akuersissutinik Nakkutilliisoqarfiup misissussavaa paasissutissat pisariaqartut pigineqarnersut, tamannalu pisariaqartutut isigineqarpat suliamik **suliarinninnermi** alloriaqqittoqarnissaa qinnuteqarsinnaasut.

Imm 3 Pisanut **uppernarsaammik** aalajangersaanissaq pillugu qinnuteqaammi peqqussummi (EF) 1005/2008-meersumi **immikkoortortaq** 12 aamma peqqussummi ilanngussaq II naapertorlugu kiisalu Siunnersuisoqatigiit peqqussutaat (EF) nr. 1005/2008-meersumut **naammassinninnissamut** aalajangersakkat pillugit peqqussummi (EF) 1010/2009 22. oktober 2009-meersumik immikkoortortaq 6 aamma peqqussummut ilanngussaq IV naapertorlugu paasissutissat ilaassapput. Paasissutissat taakku **ilanngunneqarsimanngippata**, amigarpata imaluunniit eqqortuunngippata pisanut uppernarsaat aalajangersarneqarsinnaanngilaq.

§ 45 Avammut niuertup immiussaani paasissutissani kukkuneqarpat avammut niuertoq **naqqeeqqullugu** Kalaallit Nunaanni Aalisarsinnaanermut Akuersissutinik Nakkutilliisoqarfiup qinnuigisinnaavaa internettilu tunngavigalugu aaqqissuussinermi paasissutissat immiuteqqillugit.

Imm 2 UNK-aalisarnermut **uppernarsaateqarpat** pisanut uppernarsaat aalajangersarneqarsinnaanngilaq. Pisanut uppernarsaat annertuunik **kukkunertaqarpat**, tak. imm. 1, tamanna pillugu **noqqaasoqareerneratigut** avammut niuertumit naqqinneqanngippata pisat pillugit uppernarsaatip aalajangersarneqarnissaa Kalaallit Nunaanni Aalisarsinnaanermut Akuersissutinik Nakkutilliisoqarfimmit isumagineqassanngilaq.

4.4. NAKKUTILLIINERMI NALUNAARUTISSAMUT MISSINGIUMMI EF-IMIT UPPERNARSAASIISARNEQ PILLUGU KAPITALI 10-MUT MISSINGIUMMUT OQAASEQAATIT

Suleqatigiissitami **amerlanerussuteqartut** nakkutilliinermi nalunaarummi kapitali 10-mi §§ 43-45-imut missingiummi oqaasertaliinermut innersuussuteqarput.

Ikinnerussuteqartut tassaasut Sulisitsisut aamma Polar oqaaseqarput nalunaarutinut naammassineqanngitsut ilaanut isummernissaq kissaatiginagu, taamaattumillu kapitalimut tassunga isummernatik.

KAPITALI 5 - NORGEMI, ISLANDIMI SAVALIMMIUNILU UPPERNARSAATIT.

5:1 NORGEMI UPPERNARSAASARNERUP ALLAASERINERA

Allaaserinninnerup taassuma pitsaassusaa norgemi oqartussanit qulakkeerneqanngilaq

Nittartagaq www.Catchcertificate.no aqutugalugu norgemi uppernarsaatit atulersinneqarlutillu elektroniskimik [aalajangersarneqartarput](#) (ukiumut 40000-it missaat). Nittartagaq taamaallaat norgemi avammut niuruteqartunit iserfigineqarsinnaavoq (2019-imi 230-it missaat) aamma aalisakkanik uumasuutigneqanngitsunik avammut niuruteqartunit, ilaatigut EU-mut avammut niuertunut. www.Catchcertificate.no-mi suliareqqiinnermut allagartaq (Ilanngussaq IV) aamma pissarsiarineqarsinnaallunilu [aalajangersarneqarsinnaavoq](#).

Atuisutut nalunaarsorniaaraanni (2019-imi 900-it missaat) avammut niuruteqartoq Norges Sjømatråd-imit akuerineqartutut isumaqatigiissuteqassaaq. Tunisassiortoq pineqarpat taanna norgemi inuussutissat isumannaatsuunissaannut aalajangiisartunit Mattilsynet-imit akuerineqarsimassaaq. Atuisoq internettikkut isumaqatigiissummik immersuissaaq.

Peqataasut tamarmik pisanut uppernarsaammik elektroniskimik atsioreerpata nittartakkamiit pisanut uppernarsaat avammut niuruteqartumit aaneqarsinnaavoq, taannalu EU-mi imaluunniit nunani allani Norgep isumaqatigiissuteqarfigisaani eqqussuisumut elektroniskimik ingerlateqqinneqarluni. Peqatigisaanik nittartakkap uppernarsaatit nalunaarsugaasivimmum toqussavai.

Pisanut uppernarsaat tunngaviummik aalisakkat norgemit aallaaveqartut pillugit inaarutaasumik isumaqatigiissutinik (tunisinnermut tulaassinermullu uppernarsaatit) akuerineqarsimasunik aalajangersarneqarsimasunillu tunngaveqarput Inaarutaasumik isumaqatigiissummiit pisat pillugit paasissutissaq pisanut uppernarsaammum nuunneqartarput.

Nassiussinermut ataatsimut pisanut uppernarsaammik pilersitsisoqassaaq. Pisanut uppernarsaat inaarutaasumik isumaqatigiissummiit ataatsimiit arlalinnilluunniit paasissutissanik imaqarsinnaavoq, aamma inaarutaasumik isumaqatigiissummi paasissutissat pisat pillugit uppernarsaatini arlalinni atorneqarsinnaallutik, pisat nassiussinernut arlalinnut agguarsimappata.

Pisanut uppernarsaammik pilersitsineq:

Pisanut uppernarsaat pissarsiariniarlugu aalisakkanik tulaassinerniit aalisakkanillu tunisassianeersunik avammut niurutigineqartunut nassiunneqartut tamaasa avammum niuertup uppernarsarsinnaassavai, allatut oqaatigalugu aalisakkat nassiunneqartut suminganeereri inaarutaasumik isumaqatigiissutini/uppernarsaatini normum avammum niuruteqartumit allanneqassallutik. Aaqjissuussinerup taava angallatit aamma pisanut paasissutissat tamatuma kingorna ingerlaannartumik aassavai. Avammum niuruneq inaarutaasumik isumaqatigiissutinut/uppernarsaatinut utersinnaaneq ajomarunnaarsillugu paasissutissanik avammum niuertoq peqassaaq.

Atuisoq inaarutaasumik isumaqatigiissummik ataatsimik arlalinnilluunniit ujarsinnaalissaaq, tamatumalu kingorna pisinartut aalisakkat assigiinngitsuuppata maannakkum avammum niurutigineqartut aalisakkat toqqarlugit, imaluunniit assartuineq pillugu paasissutissat eqqussuinnermut ilanngussinnaallugit.

Inaarutaasumik isumaqatigiissutit toqqarneqartut normoqartillugit, ulloq tulaassiffusoq, aalisakkat suneri, pisaqarfusoq aamma ulloq, akit oqimaassusaalu nalunaarsorneqassapput.

Arbejdsmappe **Fangstaartbeholdning** Fiskevarerforvaltning Lagerforvaltning

Søknadsnr:

Kamlingedato:

Seddelnummer:
 Høflivært vedfangnummer: 14200000
 Eks søk på enkeltsejer: 123456
 Eks søk på mynd: NO-1504279 (maks 40)
 Fiskeflag:
 Legg til flere ved å velge fiskeflag i nettkalenderen.

HER Sød
 MAC Makrell

Hentet 4 600kg fra 1 år 1 måned
 HER: 0 800kg, MAC: 1 700kg

Seddelnummer	Landingsdato	Fiskeflag	Fangstområde & dato	Tulltariffkode (NO)	Vekt (kg)
NO-80-1504279	28.04.2013	HER Sød	NO:0813, 28.04.2013	0802400	1 700
NO-80-1504279	29.04.2013	MAC Makrell	NO:0813, 28.04.2013	0802400	2 900

[Lukk & hent oversikt](#)

Tamanna uppernarsarneqarpat atuisup nassiussinermi assartuinemilu paasissutissat immiutissavai.

Spesifiser forsendelsesdato, importør og transportvalg

Sendes til:

Sendes fra:

Importør:

Land:

Transportvalg:

Transportmiddel:

Transportdato:

Transportnummer:

Transporttype:

Transportvilkår:

Transportkost:

Transportbetalt:

Transportrest:

[Lukk](#) [Tilbage](#)

Eqqussuisut avammullu niueruteqartut nalunaarsugaaneri nutarternissaannut periarfissaqarpoq.

Tamatuma kingorna avammut niuertup nassiussineq erseqqissarlugu, akit avammullu niuertugineqartut oqimaassusii iluarsineqarsinnaallutik.

Spesifiser forsendelsesdata

Fiskeslag	Velg fiskeslag		
			Se filer
Fiskeslag -	NO tolltariffkode	EU tolltariffkode	Produktvekt (kg)
✦ X HER - Sild	09034190	090241	1900
✦ X MAC - Makrell	09034400	090244	2700
Totalt			4 600

Assersuummi tassani pisat nalunaarutigineqarneri tamarmik avammullu niuerutigineqartut qanoq suliarineqarsimaneri ilaatinneqarput. Tamatuma kingorna uppersarsaat pissarsiarineqassaaq atsiorneqarnissaalu kisimi amigaataalerluni.

DOKUMENTER GENERERT FOR ARBEIDSMAPPEN: TEST 300413

[Klikk her for å se nå dokumentene som er generert](#)

Velg forsendelse:

30.04.2013 Hanstholm Fiskemeisfabrik AS, Nordre Standvej 54

Sertifikat	Detaljer / Beskrivelse	Endret	Opprettet
NO-051 (30430-36477)	Fersket fisk	KT201816, 30.04.2013 12:44	KT201816, 30.04.2013 12:44

[Signer dokumentene](#)

Uppersarsaat atsioruk toorneratigut atuisumut pineqartumut digitalikkut atsiorneq aaneqassaaq.



SIGNÉR EU-FORSENDELSEN

Dokument: Hanstholm Fiskemeisfabrik AS, Nordre Standvej 54
Signeringsgrunn: Eksport av fisk til EU
Sted: NO-5003 Bergen, Norway
Dato: 30.04.2013

Signatur Bjørg Granberg Bjørner

Tassani pisariaqarpoq atuisup atsiornermut isernissamut ilisarnaammik pilersitsisimanissaa. Uppersarsaat atsiorneqarpat avammullu niuertumit nassiunneqarpat uppersarsaammik norgemi oqartussat ingerlaannartumik atsiussapput. Norgemi tuniniaasartut "salslag" misissuinerne akisussaaffimmi ilaatut uppersarsaatit aalajangersamissaannut nittartakkami immersuinerlut akisussaalersimapput. Norgemi pisanut uppersarsaatit ukiumut 40000-it atulersinneqartarput.

Aalisarnermut pisorta qarfik tassaavoq norgemi pisanut uppersarsaatini aalajangersaanerme norgemi oqartussat aamma uppersarsaatini paasisutissat uppersarsaqqullugit EU-mi nunaniit akuttunngitsumik noqqaassutinik tiguisartoq.

Pisanut uppernarsaatit aalajangersarneri kiisalu suliareqqiinnermi nassuiaatit verifications@fiskeridir.no aqutugalugu peqataasunit avataaneersunit misissorneqarsinnaapput.

Pisanut uppernarsaatio atorunnaarsinnera

Søk etter signerte arbeidsmapper / forsendelser

Eksporert: (Cachoeirinhas SA, 5000 Bergen)

Dato (fra - til): 20.10.2012 - Vis inaktive importører

Importer: Velg...


Fiskistofe (Arbeidsmappe, importør eller referanse):

Sertifikatnummer:

Forsendelsestatus: kansellerte forsendelser ikke-kansellerte forsendelser alle forsendelser

Viser siste 200 resultater som matcher ditt søk.

Dato	Forsendelse	Importer	Mappenavn
22.04.2013	NO-851-130422-356887	ALTOMAR COMERCIO DE PRODUTOS	Ny test på signering via mac
17.04.2013	NO-231-130412-343172	China LTD, Gaoqianqiang 34	20130412 - Ukraine
11.04.2013	NO-851-130411-343783	Møre Import & vaskeri, Importveien 56	20130411
20.03.2013	NO-851-130320-322097	ALTOMAR COMERCIO DE PRODUTOS	øhtest

Atuisoq ilisarnaammik toorsissaq  aamma assimi tulliuttumi paasissutissat allassallugit.

KANSELLERE NY TEST PÅ SIGNERING VIA MAC

Velg forsendelsene du vil kansellere:

Velg kanselleringsårsak:

Kanselleringsårsak, beskrivelse:

NO-851-130422-356887 - ALTOMAR COMERCIO DE PRODUTOS ALIMENTARES S.A., RUA
 Feil kildeinfo.
 Feil kvantum på sertifikatet.

Atorunnaarsitsineq atuisumit atsiorneqassaaq.

Nakkutilliinermik aaqqiinerit:

Assartuinnermi paasissutissanut tunngasunik aalajangersaanissaq sioqqullugu misissuisoqarneq ajorpoq. Kukkusoqarsimappat avammut niuertup pisanut uppernarsaat atorunnaarsissavaa uppernarsaallu nutaaq atulersillugu.

Pisanut uppernarsaatip aamma avammut niuernerme uppernarsaatit allat akornanni misissuisoqarneq ajorpoq, soorlu akiligassat/annissinerup nalunaarutiginera. Eqqussinermi kukkusoqarsimappat avammut niuertup pisanut uppernarsaat atorunnaarsissavaa uppernarsaammillu nutaamik atulersitsilluni.

Aalajangersaasoqarnissaa sioqqullugu aalajangersimasunik nalilersuisoqarneq ajorpoq, aalajangersaanerlu nammineq ingerlasumik pisarluni.

5:2 ISLANDIMI UPPERNARSAASARNERIT ALLAASERINEQARNERI


Allaaserinnineq taanna islandimi oqartussanit pitsaassutsikkut qulakkeerneqarsimangilaq.

Islandimi pisanut uppernarsaatit nittartagaq vottord@fiskistofa.is aqutugalugu atulersinneqarlutillu elektroniskimit aalajangersarneqartarput (ukiumut 30000-it missaat).

Islandimut assersuut cc: http://www.fiskistofa.is/media/frettir/proto_cc_5.pdf

Sulireqqiernerut uppersarsaatit (Ilangussaq 4) nittartagaq aqutiginagu atulersinneqarneq aalajangersarneqarnerlu ajorput. Nittartakkamat isersinnaajumalluni avammut niuertoq vottord@fiskistofa.is-imi nalunaarsugaasimassaaq.

Atuisoq timmisartukkt imaluunniit umiarsuakkt assartuinerup suunera allallugu aallartissaaq.



Tamatumá kingorna atuisup maannakkt avammut niuertigineqartussat tunisassiat allaaserissavai,



malitsigisaanillu pisat pinngoqqaarfiat pillugu paasissutissat: aalisakkt suuneri, angallat, ulloq aamma umiarsualivik tulaassiviusoq.



Taakku paasissutissaasivinnittunút naapertuunnersut aalajangerniarlugu paasissutissanik aqqissuussineq ingerlaannartumik misissuissaaq, tassa imaappoq angallat piffissami sumiiffimmilu aalajangersimasumi tulaassimanerai, aamma aalisakkt pineqartut pisanut ilaenersut.

Misissuineq nikingasoqangippat avammut niuertup qarasaasiani PDF-inggorlugu ingerlaannartumik uppersarsaat atulersinneqassaaq.

Naapertuuttoqangippat aalajangersaanissaaq sioqqullugu taakku aaqqinneqassapput.

Aalajangersimasumik nalilersuisoqarneq ajorpoq.

Pisanut uppersaati pillugit Islandip aamma EU-p akornanni isumaqatigiissut naapertorlugu angallatip naalagaa taassumalu atsiornera pillugu paasissutissanik tunniussinissamut Islandi pisussaaffeqanngilaq.

Takuuk http://www.fiskistofa.is/media/frettir/Agreed_Record_final.pdf

Assartuinermut paasissutissat avammut niuertup akisussaaffigai. Eqqunngippata uppersaati nutaq pillugu avammut niuertoq qinnuteqassaaq pisoqarlu kasiilerlugu. Uppersaati aalajangersarneqarsimasooq atorunnaarsinneqarsinnaanngilaq.

Pisanut uppersaati aamma avammut niuernermit uppersaati allat akornanni misissuisoqarneq ajorpoq, soorlu akiligassat/annissinerup nalunaarutiginera.

Peqataasut 3 iserfigisinnaasaannut nittartakkamut avataaneersut isersinnaanngillat aamma uppersaati aalajangersarneqarsimanersoq misissorsinnaanagu.

Aaqquussinermi CATCH-imut ataqatigiissinneqarnissaa Islandip kissaatigaa.

Uppersaati atulersinnissaa sioqqullugu paasissutissaasivimmi sukumiinerusumik misissuisoqartarnissaa kissaatigineqarpoq, tassa imaappoq annertussutisnik misissuisarneq annertusillugu.

5:3 SAVALIMMIUNI UPPERSAASARNERUP ALLAASERINEQARNERA

1 Aallaqqaasiut

1. januar 2010-imiit EU-mit **piumasarineqarpoq** aalisakkat aalisakkanillu tunisassiat savalimmiuneersut tamarmik, EU-mi nunani niuerfintut eqqunneqartut, pisarineqarnerinik **uppersaateqassasut** (catch certificate), pisat inatsisit naapertorlugit pisarineqarsimanerinit savalimmiuni oqartussat uppersaallutik.

Tamanna isumaqarpoq savalimmiuni EU-mut aalisakkanik avammut niuruteqartut pisanut uppersaati pisanut ilaatinneqarnera qulakkiissagaat. Taamaattoqanngippat tamatuma kingunerisinnaavaa pisat EU-mut eqqunneqarsinnaanngillat.

Pisanut uppersaateqarnissamut piumasaqaat aalisakkanut 1. januar 2010-p kingorna pisarineqarsimasunut atuuppoq, nioqqutissanullu kapitali 03-mi aamma kapitali 1604-mi aamma 1605-mi akitsuuserinermi ilisarnaateqartut tamarmik ilaallutik. Piumasaqaammut ilaanngillat aalisakkat tukertitat aalisakkanillu qajuusaasiat. Aamma nioqqutissat taaneqartut iluanni nioqqutissat ilai ilaatinneqanngillat. Nalunaarsuiffik taanna uaniippoq: Annex XIII i Commission Regulation (EC) No 1010/2009 of 22 October 2009.

Piumasaqaati nutaat kingunerisaannik aalisakkanik EU-mi nunani pisisartunut tunisisut savalimmiuni avammut niuertut umiarsuillu EU-mut suut eqqunneqarneri, angallatit suut pisarinerat il.il. pillugit paasissutissalimmik pisanut **uppersaammik** immersuissapput.

Uppersaati taanna tamatuma kingorna Aalisarnermik nakkutilliisoqarfimmut nassiunneqassaaq, taassuma uppersarsarlugu pisat unioqqutitsiffiunngitsumik pisarineqarsimasut. Tamatuma kingorna aalisarnermik nakkutilliisut uppersaati avammut niuertumut nassiutissavaa, taassumalu EU-mi nunami eqquussisumut nassiutissallugu.

Pisanut uppersaati saniatigut EU aalisakkat EU-mi niuerfintut eqqunneqarpata aamma uppersaatinik allanik piumasaqarpoq - aalisakkat EU-mut apuunnerini, aamma aalisariutit EU-mi umiarsualivinni tulaassippata.

Tunisassiornermut uppersaati atorneqassaaq nunanit allaniit aalisakkat Savalimmiunut eqqunneqarpata Savalimmiuni suliarineqartussat kingornalu EU-mi nunamut avammut niurutigineqarpata. Suliarinneqittup uppersaati immersussavaa, taannalu savalimmiuni oqartussanit uppersarneqarluni.

EU-mi umiarsualivimmi tikinneq pillugu nalunaarut - Prior Notification, Uppersaati taanna tassaavoq nalunaarut aalisariutit EU-mi umiarsualivimmut tikinnerini tamani atorneqartussaaq, pisanut uppersaati pillugit eqqunngippata.

Pre-landig declaration, EU-mi umiarsualivinni usilersoqqittoqameranut atatillugu aalisariutinit atorneqassaaq.

2 Pisanut uppersaataat

1. januar 2010-miit aalisakkat savalimmiuneersut tamarmik, EU-mi niuerfimmt eqqunneqartut, Aalisarnermik nakkutilliisunit akuerineqarsimasunik pisanut uppersaateqassapput.

Pisanut uppersaataat piumasarineqarpoq,

- aalisakkat aamma aalisakkanit nioqutissiat EU-mi nunamut eqqunneqarpata nassiussinermi pisanut uppersaataatip pigineqarnera avammut niuertup isumagissuaa
- umiarsuit savalimmiuneersut EU-mi umiarsualivimmi toqqaannartumik tulaassippata tulaanneqartunut pisanut uppersaateqarnissaq umiarsuup naalagaata/umiarsuaatillip isumagissuaa
- umiarsuit savalimmiuneersut EU-p avataani umiarsualivimmi tulaassippata aalisakkallu EU-mi niuerfimmt appakaappata pisanut uppersaateqarnissaq umiarsuup naalagaata/umiarsuaatillip isumagissuaa

Eqaatsumik suliarinninnissaq qulakkeerniarlugu Savalimmiuni tunineqartunut aalisakkanut atatillugu pingaaruteqarpoq umiarsuup, umiarsuup sullinneqarnissaa sioqqullugu immersorneqartut paasissutissat nalinginnaasut saniatigut, aamma ilisimatitsissutigissagai

- aalisarnissamut akuersissutip normua
- aalisarnermi angallatip naalagaata aqqa
- pisat pillugit ullorsiutip normua

Paasissutissat taakku savalimmiuni avammut niuertunut suliareqqiisunullu pisat peqatigalugit ilaasariaqarput.

Pisanut uppersaataat EU-mi niuerfimmt eqqunneqartunut aalisakkanik aamma aalisakkanit tunisassianik nassiussinernut tamanut suliarineqassaaq.

3 Aalisariuteeqqani pisanik uppersaaneq ajornanngitsoq

EU-mi malittarisassat malillugit aalisariutinit mikinernut pisanut uppersaataat ajornannginnerusup atorneqarnissaa periarfissaavoq - katersinermi uppersaammik taaneqartoq. Taanna aalisariutinit piumasaqaatit uku arlaannit ikinnerpaamik ataatsimik naammassinnittunit atorneqassaaq

- 12 meterimik naanneruvoq imaluunniit
- 8 meterimik naanneruvoq (qisunnik atortulik) imaluunniit
- qulisaanngitsoq imaluunniit
- 20 BT inorpagu

Angallatit tamarmik piumasaqaatit arlaannik ikinnerpaamik naammassinnittut pisanut uppersaamma ataatsimi katersorneqarsinnaapput imaluunniit pisanut uppersaateqartut angallatit pillugit takussutissaq ilanngussinnaallugu.

Angallatit pillugit takussutissaq pisanut uppersaamma allanneqarsinnaavoq imaluunniit ilanngussatut ilanngunneqarsinnaasoq ukuninnga paasissutissiissaaq (immikkoortoq 3)

- Angallatip aqqa
- Umiarsualivimmi akuersissutaata normua
- nassiussinermi angallatinut ataasiakkaanut tamanut pisat annertussusaat
- Angallatip pisaqarsinnaanermut akuersissutaata normua

4 Pisanut uppersaataat suliarinera

Pisanut uppersaait paasissutissanik pisariaqartunik tamanik imallip Aalisarnermut nakkutilliisoqarfimmi akuerineqartussanngorlugu nassiunneqarnissaanut avammut niuertoq akisussaavoq.

Aalisarnermik nakkutilliisoqarfiup suliassaa tassaavoq aalisakkat, EU-mi niuerfimmumut eqqunneqartut, inatsisit naapertorlugit pisarineqarsimanerisa uppersaarnissaat, tassunga ilanngullugu aalisariutip pisaqarnissamut akuersissuteqarnera, paasissutissallu eqqortuuneri.

Avammut niuertup pisat pillugit pisanut uppersaait akuerineqarsimasup piffissaalluartillugu eqqussisumut tunniunneqarnissaa akisussaaffigaa.

Avammut niuertup pisanut uppersaait ilaanissaa aamma isumagissuaa, aalisakkat EU-mi ilaasortaangitsoq nuna alla aqutugalugu nassiunneqaraluarpalluunniit, kingusinnerusukkulli EU-mut eqqunneqarluni.

Pisanut uppersaait pinermiit pinermut suliarinera ataani allaaserineqarpoq

Immikkoortoq 1

Avammut niuertoq immikkoortoq 2-miit 5-imut paasissutissanik tunniussivoq.

Immikkoortoq 2

Avammut niuertup tamatuma kingorna immikkoortoq 8 aamma 10-mi immersugassat immersussavai. Avammut niuertup tamatuma kingorna pisanut uppersaait Aalisarnermut nakkutilliisoqarfimmi akuerineqartussanngorlugu nassiutissavaa.

Aalisarnermik nakkutilliisoqarfiup immikkoortoq 1-mi immersugassat immersussavai aamma immikkoortoq 9-mi immersugassat immersornerisigut atsiornersigullu pisanut uppersaait akueralugu.

Aalisarnermik nakkutilliisut tamatuma kingorna pisanut uppersaait avammut niuertumut utertillugu nassiutissavaa.

Aalisarnermik nakkutilliisut pisanut uppersaait ataasiakkaat assilissavai, pisanut uppersaait suliarineranut tunngaviusut uppersaait allat ilanngullugit. Assilineri sivikinnerpaamik ukiuni tallimani toqqorneqassaaq.

Immikkoortoq 3

Avammut niuertup pisanut uppersaait akuerineqarsimasooq Aalisarnermut nakkutilliisoqarfimmit tiguppagu immikkoortoq 10-mi avammut niuernermut paasissutissat ilaatillugit uppersaait EU-mi nunami eqqussuisumut imaluunniit - nioqutissat nuna allakoorlugu nassiunneqarpata - nunami allami eqqussuisumut avammut niuertup nassiutissavaa.

Aalisakkat EU-mi nunami toqqaannartumik tulaanneqartut pineqarpata immikkoortup 10-p immersornissaa pisariaqanngilaq.

5:4 NUNAT ALLAT AAQISSUUSSINERINUT OQAASEQAATIT

Royal Greenlandi aamma Polar Seafood Norgemi aaqqissuussinermut tunngatillugu allapput: "Pisanut uppersaait aalisakkanut norgemiit aallaaveqartumut inaarutaasumik isumaqatigiissutinik (tunisinermit tulaassinermullu uppersaait) akuerineqarsimasunik aalajangersarneqarsimasunillu tunngaveqarput. Inaarutaasumik isumaqatigiissummiit pisat pillugit paasissutissat pisanut uppersaammumut nuunneqarput". Taakku ilisimasaat maillugu Kalaallit Nunaanni pisanut uppersaait avataasiortut pineqartillugit angallamiit nalunaarutit tunngavigalugit (umiarsuup allattaaviani kisitsisit assigisussaagai) aalajangersarneqartarput, aamma taamaappoq pisassiissutinit qaqitat. Piviusumilli umiarsuarmiit nalunaarutit/ umiarsuup allattaavianiit kisitsisit tunisinermit/tulaassinermi uppersaait 100 %-imik assigineq ajorpaat. Pisut amerlanersaanni kisitsisit imminnut qanittuaraasarput, ilaannikkulli taakku akornanni nikingasoqartarluni, paatsiveerutsitsisinnaasunik qaavatigulli suliaqartitsisinnaasunik. Pisanut

uppersaatitut aalangersaanermut tunngavittut, aamma pisassiissutinit qaqtanut tulaassinermi uppersaatit atornerqarpata tamanna pisariunnginnerussanerluni?

Taamatut atuarneratut Islandi EU-mut naleqqiullugu pisariunnginnerusumik aaqqissuussimavoq, taamaappallu taava assinga misilissanngilarput? Peqatigisaanillu atuarlugu LULI-miit CATCH-imut toqqaannartumik aalangersaanermi paasissutissat nuunneqarnissaat pillugu KANUAANA EU-mik atassuteqarluni taamaalillunilu aaqqissuussinerit akornanni atassuserneqarsinnaaneq qulakkeerlugu. Tamatumu Kalaallit Nunaat EU-mi malittarisassanut pitunnerussanngilaa, malittarisassat immaq nunatut Kalaallit Nunaatut ittutut suliarineqarsimangitsut?

KAPITALI 6 - TUNNGAVIIT PINGAARUTEQARTUT.

6:1 EF-IMIT UPPERNARSAASIISARNERMIK AQUTSINERMUT TUNNGAVIIT PINGAARUTEQARTUT

1. Aalisakkanit isumalluutit inuiaqatigiit kalaallit pigaat.

Tamanna Aalisarneq pillugu ataatsimiititaliarsuup oqallinnermut tunngavissiaanit november 2019-imeersumit takuneqarsinnaavoq, kalaallit nunaata imartaanit aalisakkanit isumalluutit inuiaqatigiit pigigaat ataatsimiititaliarsuup sulineranut tunngaviulluni. Inuiaqatigiit taamaalillutik nunap aalisakkanik pisuussutaanik naleqquttumik nungusaataangitsumillu atuineq tunngavigalugu malittarisassanik sinaakkutaasunillu atugassaritinneqartunik qulakkeerinniffiqineqassapput. Aalisarneq pillugu inatsimmi taassumalu malitsigisaani inatsisini tunngaveqartumik ingerlatseriaatsit assigiinngitsut aqutugalugit aalisarnermik inuussutissarsiuteqartunut pisuussutit atugassanngortinneqarput.

Pisuussutinit ataatsimoorussanik taakkunannga iluaquteqarnermiit iluanaarutit taamaattumik illuani aalisartut aamma umiarsuaatileqatigiit aalisartut aamma pisanik suliarinnittut taamaalilluni isumalluummit isertitaqartut aappaanilu tulluurtumik akileraarusersuinikkut inuiaqatigiit akornanni agguarneqartariaqarput. Tamatuma malitsigisaanik aalisakkanik pisuussutinik iluaquteqarneq pillugu paasissutissanut attuumassuteqartunut inuiaqatigiit inatsisitigut akuerisaasumik periarfissaqartitaapput nakkutiginninnermi atorineqartussat aamma suliassaqarfiup ineriartorneranut naleqqiullugu ammasumik pissuseqarnissaq qulakkeerniarlugu.

2. Aallaavusooq tassaavoq Kalaallit Nunaanni aalisarnermik inuussutissarsiuteqartut inatsisit naapertorlugit aalisarnerat (UNK-aalisarnerunngitsoq).

Aalisarneq, immikkoortoq 3 naapertorlugu, sakkortuumik killilersugaasoq aalisarneq pillugu inatsimmi unioqqutitsinernut assersuutinik ikittuararsuarnik takutitsisoq. 2019-imi aalisakkat qaleruallillu tusindit arlalissuit tunineqartut eqqarsaatigigaanni paasineqarsinnaavoq suliat qaqqineqartut, tunisinermi nakkutilliisoqaraluartoq, ikittuararsuusut, soorlu aamma piaraaluni iliuseqarnerniit annerusumik kukkunernik imaluunniit paatsuuinernik pissuteqartut.

3. Kalaallit Nunaanni aalisarneq pisassiissuteqarfiuvoq, akuersissuteqarfiulluni, nalunaarutigineqartarluni nakkutigineqarlunilu.

Kalaallit Nunaanni Kalaallit Nunaata Aalisarnermik oqartussaaffigisaani aalisakkanut aalajangersimasunut ukiukkaartumik TAC-mik Naalakkersuisut aalajangersaasarput. TAC-mik agguaaassineq kalaallit aalisariutaasa ilaannut immikkoortunut nunallu allamiut aalisarnerannut, nunat tamalaat isumaqatigiissutaanni aalajangersakkat mianeralugit Naalakkersuisunit ingerlanneqartassapput, tak. aalisarneq pillugu inatsisartut inatsisaat § 5. Pisat tunisinerillu tamarmik Kalaallit Nunaanni Aalisarnermut Akuersissutinik Nakkutilliisoqarfimmut (KANUAANA-mut) nalunaarutigineqartarput. Aalisarneq pillugu inatsisartut inatsisaanni, kapitali 11 naapertorlugu inatsimmi aamma inatsit

naapertorlugu malittarisassani atulersinneqartuni aalajangersakkanik eqqortitsisoqarneranik KANUAANA nakkutillisuvoq.

4. Avammut niuertoq suliami paasissutissiinissamut akisussaavoq.

Avammut niuertoq EU-mut avammut niuernissamik kissaateqarpat peqqussut (EF) 1005/2008-mut ilanngussaaq II-mi allanneqarsimasunik paasissutissanik tamanik imaqartumik pisanut uppersaammik peqarnissamut avammut niuertoq akisussaavoq. Taamaallilluni pisanut uppersaammik naalagaaffimmi erfalasoqarfiusumi oqartussat aalajangersaanissannut avammut niuertoq akisussaavoq, taassuma nunamut eqqussisumut ingerlateqqinnginnerani.

5. Avammut niuernermut tunisassiat pillugit paasissutissat eqqortuunerinut avammut niuertoq akisussaavoq.

Avammut niuertoq taannaavoq pisanut uppersaammik paasissutissat tamarmik eqqortuunerinut akisussaasoq. Pisanut uppersaammik kukkuneqarpat taamaallilluni avammut niuertoq paasissutissat taakku naqqinneqarnissaannut akisussaavoq, nutaamik uppersaammik pissarsisoqarnissaanut.

6. Paasissutissani kukkusoqarsimanera imaluunniit amigaateqarnera pissutigalugu aalisakkanit nioqqutissat itigartinneqarnerinut aamma Kalaallit Nunaannut utertinneqarnerinut avammut niuertoq tamakkiisumik akisussaavoq.

Pisanut uppersaammik imaluunniit uppersaatini allani kukkusoqarsimappat, taakkulu kingornatigut naalagaaffimmi umiarsualivimmi oqartussanit noqqaasoqarneraniit naqqinneqarsimanngippata, naalagaaffimmi umiarsualivimmi oqartussat aalajangersinnaapput aalisakkanik nioqqutissat itigartinneqassasut utertinneqassasullu. Paasissutissat tamarmik eqqortuunissaannut avammut niuertoq akisussaammik aamma nioqqutissat itigartinneqarpat utertinneqarpatalu avammut niuertoq tamakkiisumik akisussaavoq.

7. UNK-aalisarnermik tunngavissalimmik pasitsaassisoqarpat pisanut uppersaammik KANUAANA aalajangersaasinnaangilaq. Akerlianilli suliaq misissorneqassalluni.

Tunngavissalimmik pasitsaassineq tassaavoq pasitsaassineq uppersarneqarsimasoq, assersuutigalugu tassaasinnaalluni aalisakkani qaqqinneqarsimasuni takunnittup nassuiaataanik, assimik uppersaammik peqarnek imaluunniit uppersaatit imaluunniit aalisarnermi atortut assigisaalluunniit, UNK-aalisarnek pillugu pasitsaassisoqarneranut tunngaviusut. Oqitsumik pasitsaassineq taamaallilluni naammassanngilaq. Aammattaaq peqqussummi 1005/2008-mi UNK-aalisarnerit suut isigineqarnerinut assersuutit allattorsimallutik.

8. KANUAANA-p EF-imit uppersaasiisarnera tassaavoq aalajangersaasarneq.

KANUAANA-p EF-imit uppersaasiisarnera tassaangilaq nakkutillineq, akerlianilli aalajangersaasarneq, oqartussat ilaatigut aalisarnerup UNK-aalisarnerunnginneranik uppersaallutik, ilaatigut pisanut uppersaammik paasissutissat eqqortuunerinik uppersaallutik.

9. KANUAANA pisanut uppernarsaatini misiligutissanik tiguisinnaavoq, allaffissornikkut killitut aalajangerneqarsimasut qaangiisoqarsimanera paasineqarpat.

KANUAANA allaffissornikkut killiliussatut aalajangersakkamik aqqissuussinermut ikkussisarpoq, tamatumalu kingorna tunisassiat killiliussap taassuma ataaniittut misissoqqinneqarnatik. Tunisassiat killiliussatut aalajangersarneqartumik qaangiisut misiligummik tiguisiffigineqartarput. Misiligummik tiguisineq tassaanusarpoq uppernarsaatini misissuineq, killiliussamik soq qaangiisoqarsimanersoq pillugu nalunarunnaarsaasunik apeqquteqarluni avammut niuertumut atassuteqarluni.

10. KANUAANA-p tunisinernik nakkutilliinini annertusivaa peqatigisaanillu aalisarnermik inuussutissarsiortut nammineq misissuinissamut annertunerusumik akisussaaffeqalerlutik.

KANUAANA-p suliassaraa usingiarnernik aamma aalisakkanit noqutissanik tunisinernik nakkutilliinissaq. Nakkutilliineq taanna annertusineqartariaqarpoq ilaatigut pisat tamaasa tamakkiisumik misissorlugit, ilaatigut tunisinermit atatillugu najuunnikkut nakkutilliisoqarluni.

11. Nakkutilliinissamut nalunaarummut missingiummi kapitali 10-mi KANUAANA-p EF-imit uppernarsaasiisarnernat pingaarnertut sinaakkusiussanik aalajangersaavoq.

Nakkutilliinissamut nalunaarummut missingiummi kapitali 10-mut kingusinnerusukkut missingiut nalunaarusiami immikkoortoq 4:3-mi takuneqarsinnaavoq.

12. Tulluqartumik akuttussuseqartumik KANUAANA-p aamma inuussutissarsiortut akornanni oqaloqatigiittoqartarpoq.

Oqaloqatigiinnerit EF-imit uppernarsaasiinernik imaluunniit apeqqutiniq allanik ajornartorsiuteqalernernik nutaamik aqqiissutissat nassaarinissaannut atorneqarsinnaapput, assersuutigalugu annikitsunik killiliinerit, aalisariaatsit nutaat, nalunaaruteqarnermi assigisaanilu ajornartorsiutit. Oqaloqatigiinnerit aamma suliniutit nutaat eqqarsaataasut pillugit aalisarnermik inuussutissarsiuteqartunik oqaloqatiginninnermut oqaaseqaatinillu pissarsiniarnermut atorneqarsinnaapput.

6:2 TUNNGAVIGISANUT PINGAARUTEQARTUNUT OQAASEQAATIT

Suleqatigiissitami isumaqatigiissutigineqarpoq iluseq 4 toqqarneqassasoq.

6:3 INNERSUUSSUTIT

Suleqatigiissitaq tunngaviit 2 - 12 innersuussutigissallugit isumaqatigiissutigaat

Suleqatigiissitami amerlanerussuteqartut nr. 1 - 12-mi innersuussutit tamaasa innersuussutigineqassasut.

Ikinnerussuteqartut Sulisitsisut aamma Polar oqaaseqarput tunngaviit 2-12 innersuussutigisinnaallugit, kisiannili inaarutaasumik nalunaarusiap pigilinnginnerani aalisarneq pillugu ataatsimiititaliarsuup sulinerata ilaanut isummerusunnatik.

KAPITALI 7 – SULEQATIGIISSTAP INNERSUUSSUTAI ATSIORNERILLU


Innersuussut 1: Suleqatigiissitami isumaqatiipput iluseq 4 toqqarniarlugu, maannakkut aqqissuussaq ingerlatiinnarneqarluni, kisianni raajat eqqarsaatigalugit pisat annertussusaat 48% assagiaallu 80% misissorneqartassasut allaffissornikkut aalajangerneqarluni. Aqqissuussaq naliliiffiqineqassaaq aqqissuussarlu naammassisineqassallani nalunaarusiap matuma atsiorneraniit ukiut marluk qaangiuppata.

Innersuussineq 2: Nakkutilliinermi nalunaarummut siunnersuutigineqartup kapitalimi 10 §§ 43-miit 45-mut oqaasertaliorneri, imm. 4.3 naapertorlugu, suleqatigiissitami amerlanerussuteqartut innersuuppaat. Kapitali 10 pillugu isummernissaq ikinnerussuteqartut kissaatiginngilaat, tamanna nakkutilliinermut nalunaarutip siunnersuutigineqartup saqqummiunneqarnera peqatigitillugu.

Innersuussineq 3: Tunngavigisat pingaarnerit 2-miit 12-imut innersuunneqassasut suleqatigiissitami isumaqatigiissutigineqarpoq. Suleqatigiissitami amerlanerussuteqartut taamatut aamma innersuuppaat tunngavigisat pingaarutilik nr. 1 imm. 6 naapertorlugu. Nr. 1 ikinnerussuteqartut innersuussutiginnigilaat, aalisarneq pillugu ataatsimiititaliarsuup sulinerata ilaanut isummernissaq kissaatigineqanngimmat, aatsaalli inaarutaasumik nalunaarusiat takkuppet.



Michael Pedersen



Henrik Leth



Andrias Olsen



Lars Krogsgaard-Jensen



Toke Fridorff Hansen



Mads Rossing Lund

Ilanngussaq 1

UNK-uppernarsaatinik KANUAANA-p aalajangersaaneranut inatsisitigut tunngavik pillugu ilisimatitsissut

1 Aallaqqaasiut aamma inerniliineq

Polar Seafood A/S aamma Kalaallit Nunaanni Sulisitsisut pisanut uppernarsaatinik Kalaallit Nunaanni Aalisarnermut Akuersissutinik Nakkutilliiffiup ("KANUAANA") aalajangersaaneranut ("UNK-uppernarsaatit") inatsisitigut tunngavianik nalilersuisoqarnissaanut qinnuigisimavaatigut, tassunga ilanngullugu unioqqutitsisumik, nalunaarutigineqanngitsunik killeqanngitsumillu aalisarneq pitsaaliorniarlugu, pinngitsoortinniarlugu unitsinniarlugulu EF-imi aaqqissuussineq pillugu Siunnersuisoqatigiit peqqussutaata (EF) nr. 1005/2008 29 september 2008-meersup atuutilerneraniit kalaallit nunaanni inatsisit pisanut uppernarsaatit aalajangersarnerisa itigartinnissaannut inatsisitigut pisariaqartunik tunngavinnik imaqarnersut, pisanut aalajangersimasunut ilunaarutinit procentit KANUAANA-mit atorneqartussatut toqqarneqartunik killiliussanit qaffasinnerunerinik tunngavilersuuteqarluni.

Pingaarnertut naliliinerput tassaavoq kalaallit nunaanni inatsisit KANUAANA-p nammineq immersuinermit aaqqissuussinermit atorneqartussatut aalajangigaani ilunaarutinit procentimik pisat aalajangersimasut qaangiineri tunngavigalugit UNK-uppernarsaammik aalajangersaanissamik itigartitsinissamut pisariaqartunik tunngavissanik imaqanngitsut.

Aalisarneq pillugu Inatsisartut inatsisaat nr. 18, 31 oktober 1996-imeersaq kingullermik Inatsisartut inatsisaatigut nr. 28, 28 november 2016-imeersukkut allanngortinneqartoq ("Aalisarneq pillugu inatsit") aalisarnermik killilersuisoqarnissaanut Naalakkersuisunut piginnaatitsivoq, tassunga ilanngullugu inatsimmi aamma inatsit naapertorlugu malittarisassani atulersinneqartuni aalajangersakkanik eqqortitsisoqarneranik nakkutilliineq pillugu kiisalu nunani tamalaani isumaqatigiissutini Kalaallit Nunaata pisussaaffinnik naammassinninnissaa siunertarlugu malittarisassanik Naalakkersuisut atulersitsinnaanerannut inatsimmi § 26 tunngavissiivoq.

Taamaattorli UNK-uppernarsaatinik aalajangersaanermit tunngasumik nalunaarummik atulersitsisoqarsimanngilaq, soorlu aamma inatsisit attuumassuteqartut ilunaarutinit procentinut innersuussinernik imaqanngitsut. Ilunaarutinit procentit tunngavigalugit UNK-uppernarsaatinik aalajangersaanissamik itigartitsineq pillugu aalajangiineq taamaattumik kalaallit nunaanni inatsisinik tunngaveqanngilaq. UNK-uppernarsaatit aalajangersarnissaat itigartinneqassappat avammut niuertup nioqqutissani avammut niuerutigisinnaanngilai. Aalajangiineq taamaattumik annertuumik akuliunneruvoq, tamannalu inatsisitigut tunngaveqarnissamut sukangasuumik piumasaaqateqarluni.

Aalisarnermik nakkutilliineq pillugu aalisarneq pillugu inatsimmi aalajangersakkat kiisalu tamanna naapertorlugu atulersinneqartut nalunaarutit aalisariutini tunisinermilu iliuuserisanut toqqaannartumik sammisuupput - avammut niuernermmuunngitsaq, tassaaneruserut suliffissuit il.il.

Taakku saniatigut naliliinerput tassaavoq UNK-uppernarsaatinik aalajangersaanissamut itigartitsinermut atatillugu KANUAANA immikkoortuni arlalinni ingerlatsinermi inatsisini tunngavinnut akerliusumik iliuuseqarsimasoq. UNK-uppernarsaatinik atulersitsinissamut

itigartitsinermut atatillugu inatsisitigut tunngavimmut ilaatigut KANUAANA innersuussisimangilaq, soorlu aamma UNK-uppernarsaammik aalajangersaanissamut itigartitsinermut tunngaveqarnera pillugu aalajangersimasumik KANUAANA nalilersuisimangitsoq, taamaallaalli nassiussani ataasiakkaani iluanaarutinit procentinut isummiinnarsimalluni.

Inatsisunik tunngaveqannginneq iluanaarutinit procentit KANUAANA-mit atornerarnerinut atatillugu taamaallaat takuneqarsinnaangilaq, kisianni aamma pisuni allani arlalinni UNK-uppernarsaammik aalajangersaanermik itigartitsinermut tunngaveqarnerisq pillugu nalornisoqarsinnaasoq. Assersuutigalugu aalisariummi sutigulluunniit unioqutitsisoqarneranut UNK-uppernarsaatip atulersinnissaanut KANUAANA-p itigartitsisinnaanera pillugu erseqqittoqanngilaq taamaallilunilu unioqutitsinerup ilusaanut annertuumik naapertuutinnigsumik usunik piginnittoq piviusumik pineqaatissinneqarsinnaalluni.

Inerniliinerput ataaniittumi itisilerparput.

KANUAANA-p suleriaasia

Ilisimatinneqarpugut nioqutissanut nassiunneqartunut pineqartunut iluanaarutinit procenti procentimik aalajangersimasumik qaffasinneruppat UNK-uppernarsaammik aalajangersaanissamut KANUAANA aalajangersimasumik suleriaaseqartoq. Iluanaarutinit procenti tassaavoq pisat tunisassiarineqarpata pisat oqimaassusiisa sinneruttut qanoq annertutiginerinut takussutissaq.

Iluanaarutinit procentinut naatsorsueqqinneq NP Inuussutissanut Nunalerinermilu suliniaqatigiiffianeersuovoq ("FAO"), pisuni aalajangersimasumi iluanaarutinit procenti atornerarluni ("*Indicative factors for converting product weight to live weight for a selection of major fishery commodities*").

Iluanaarutinit procentip nittartakkamini allanneranut atatillugu FAO-p erseqqissumik allappaa takusat agguaqatigiissinneri tunngavigalugit naatsorsueqqinnermut takussutaasoq ("*mainly based on mean of ranges of observed values*"). Aammattaaq takuneqarsinnaalluni tunisassioriaaseq iluanaarutinit procentimi annertuumik nikingalersitsisinnaasoq:

- *"In fishery and aquaculture statistics the term "conversion factor" is used principally when converting the volume or weight of a product at one stage in the production chain to its volume or weight at another stage in the chain. ()*
- *Conversion factors are often presented for a species caught in a particular area and processed by a method, e.g. Barents Sea cod gutted with head-on. However, there could be considerable differences in the method of presentation of a nominally identical product at the time of landing. For example, machine gutting, heading and filleting could result in very different products (in terms of the proportion of the product removed) compared to hand processing. Therefore, a "simple" conversion factor is the result of a lengthy, thorough, and therefore expensive investigation and once a factor has been established, in many situations it is not revised on a regular basis. However, CWP advises that national authorities should regularly review the factors that are in use."* (erseqqissaanerput).

– Uatsinnut paasissutissiissutigineqartut malillugit KANUAANA ilisimatitsivoq FAO-p naliinik qaffasinnerusunik iluanaarutinit procentit malitsigisaannik uppernarsaatit aalajangersarneqanngippata utaqqiisaasumik aalajangiineq taamaallaat pineqartoq. Taamaattorli KANUAANA-mik allaqateqartarnerit assilinerinut takuarput uagut naliliinitsinni takuneqarsinnaasoq aalajangiineq inaarutaasutut KANUAANA-mit isigineqarsimasoq, soorlu aamma suliani aalajangersimasuni KANUAANA piffissap arlaannaaniluunniit

utaqqiisaasumik aalajangiineq pineqartoq pillugu ilisimatitsisimanngitsoq, allaat inaarutaasumik qaqugu aalajangiisoqarnissaa naatsorsuutigineqassanersoq.

Inatsisitigut tunngavik

Aallarniuteqarnermi eqqaaneqartutut naliliinerput malillugu iluanaarutinit procentit tunngavigalugit UNK-uppernarsaatiniq aalajangiinermik itigartitsinissamut KANUAANA-mut piginnaatitsisunik kalaallit nunaanni inatsisini tunngavissiisoqanngitsoq. Inatsisitigut tunngaviit attuumassuteqartut tulliuttumi misissorneqarput.

EU-mi inatsisitigut malittarisassaliornertit

UNK-uppernarsaatiniq atulersitsineq EU-mi inatsisit eqqarsaatigalugit Siunnersuisoqatigiit peqqussutaanni nr. 1005/2008, 29 september 2008-meersumi ("Peqqussut") malittarisassaqarpoq, ilaatigut siunertaalluni unioqputitsisumik, nalunaarsugaanngitsumik killilersugaanngitsumillu aalisarnerup pitsaaliornissaa, pinngitsortinnissaa unitsinneqarnissaalu.³

Peqqussut inatsisitigut aalajangiinertut pituttuisuuvoq, toqqaannartumik Danmarkimi atuuttoq. Peqqussut Kalaallit Nunaannut atuutinngilaq, EU-mi inatsisit eqqarsaatigalugu nunatut nunasiaasimasutut isigineqartoq, tak. Kalaallit Nunaat pillugu isumaqatigiissutitut taaneqartoq⁴. Kalaallit Nunaata nunatut nunasiaasimasutut inissisimanerata ilaatigut kinguneraa Kalaallit Nunaannit aalisakkanit nioqputissianik EU-mi naalagaaffinnut ilaasortaasunut eqqussineq Peqqussummi immikkoortortaq 12-mut ilaasumi EU-mut eqqussinertut isigineqarpoq.

Peqqussummi immikkoortortaq 12, imm. 1-imit takuneqarsinnaavoq UNK-aalisarnermeersunik aalisakkanit nioqputissianik EU-mut eqqussineq inerteqqutaasoq.

Inerteqqussut sunniuteqartinniarlugu aalisakkanit nioqputissiat taamaallaat EU-mut eqqunneqarsinnaapput peqqussut naapertorlugu pisanut uppernarsaammik ilaqarpata, tak. imm. 2.

Pisanut uppernarsaat peqqussummi ilanngussami II-mi allanneqarsimasunik paasissutissanik tamanik imaqassaaq, tassaniillutik pisanut uppernarsaatip ilusissaa, taanna malillugu angallat pillugu, nioqputissat pillugit, usilersoqqinneq pillugu aamma avammut niuertoq pillugu paasissutissiisoqassalluni.

Pisanut uppernarsaat aalisariutumut pisaqartumut naalagaaffimmit erfalasoqarfiusumit aalajangersarneqassaaq.

Pisanut uppernarsaammik aalajangersaanermut tunngaveqarneranik naliliinermi naalagaaffiup erfalasoqarfiusup iluanaarutinit procentinik atuisinnaaneranut imaluunniit atuisariaqarneranut innersuussinermik peqqussut imaqannqilaq.

Eqqaaneqartut malittarisassat taakku EU-p iluani atuupput taamaalilluni Kalaallit Nunaanni atuunnatik.

Aalisarnermik nakkutilliineq pillugu Kalaallit Nunaanni inatsisit

Aalisarnermik nakkutilliineq pillugu aalajangersakkat attuumassuteqartut aalisarnek pillugu Inatsisartut inatsisaanni nr. 18 , 31. oktober 1996-imeersumiippat kingullermik Inatsisartut inatsisaat nr. 28, 28. november 2016-imeersukkut allannqortinneqartoq. Inatsimmi kapitali 7 aalisarnermik nalinginnaasumik killilersuinissamut Naalakkersuisunut

³ UNK-aalisarnek, tak Peqqussummi immikkoortortaq 2, imm. 1.

⁴ Kalaallit Nunaat eqqarsaatigalugu Europamiut Peqatigiit pilersinneqarnerat pillugu isumaqatigiissutit allannqortinneri pillugit isumaqatigiissut, EF-Tidende nr. L 029, 1 februar 1985-imeersoq, q 1-7

piginnaatitsisoqarpoq. Inatsimmi § 10 a-mit takuneqarsinnaavoq Naalakkersuisut aalisakkat ilaannik aalisarsinnaaneq aalisarnermilu piumasaqaatit pillugit **malittarisassaliorsinnaasut**. Taakku saniatigut inatsimmi §§ 14-22 aalisarnermi akuersissutinik pisassiissutinillu tunniussineq pillugu **aalajangersakkanik** arlalinnik imaqarpoq.

Aalisarneq pillugu inatsimmi § 26 tunngavissiivoq "*inatsimmi aalajangersakkat inatsillu naapertorlugu malittarisassat malillugit kiisalu nunat tamalaat isumaqatigiissutaat naapertorlugit Kalaallit Nunaat nakkutilliinissamut pisussaaffimminik naammassinninnissaa siunertaralugu nakkutilliisoqartarnissaa pillugu Naalakkersuisut malittarisassaliorsinnaapput*". Ilaatigut aalajangersagaq taanna tunngavigalugu aalisakkanik aamma aalisakkanit tunisassianik tunisinernik nalunaaruteqartameq pillugu nalunaarut nr. 7, 4 april 2006-imeersoq akuerineqarpoq. Nalunaarummi nakkutilliineq pillugu § 11-mit takuneqarsinnaavoq aalisakkanit tunisassiat aalajangersimasut imaluunniit imartanit aalajangersimasuniit pisat tulaanneqarfissaannut KANUAANA immikkut **umiarsualivinnik** toqqaasinnaasoq. **Aalajangersakkami** taamaalilluni pineqarpoq umiarsualivinni aalisariutinik nakkutilliineq kiisalu tunisinermik nakkutilliineq, kisianni avammut niuerneramik nakkutilliinerunani.

Peqqussutip aamma tassunga atasut Siunnersuisoqatigiit **peqqussutaannut** (EF) nr. 1005/2008-p naammassineqarnissaanut aalajangersakkat pillugit Kommissionip peqqussutaani (EF) nr. 1010/2009, 22 oktober 2009-meersumi **naammassinninnermut** aalajangersakkat atuutilersinnerisa **malitsigisaanik** Aalisarneq pillugu inatsimmi allannguutit akuerineqarput. Inatsimmi nalinginnaasumik nassuiaatinit ilaatigut takuneqarsinnaavoq

"KANUAANA-p aalisarnerup nakkutigineqarnerani aamma piniarnermik nakkutilliinermi allaffissorneq ingerlatsinerlu isumagisarai, tassunga ilanngullugu aalisariutit umiarsualivimmiittut nakkutigineqarnerat. Kalaallit nunallu allamiut pisaannik tunisaannillu ingerlaavartumik nalunaarsuisoqarlunilu nakkutilliisoqartarpoq kiisalu inatsisip allanngortarnerata pisariaqartitallu allanngornerisa malitsigisaanik qarasaasiatigut atortunik ingerlaavartumik naleqqussaasoqartarluni".

Nassuiaatini taamaalilluni pineqarput - soorlu nalunaarut nr. 7, 4 april 2016-imeersumi nakkutilliineq pillugu aalajangersakkani "*umiarsualivinni aalisariutinik nakkutilliineq*" kiisalu "*tunisinerit*".

Ingerlatsinermi inatsisitigut tunngaviit

Ingerlatsinermi inatsit⁵ Kalaallit Nunaannut atuutilersinneqarsimavoq, tak. inatsimmi § 37 aamma ingerlatsinermi inatsisip Kalaallit Nunaanni atulersinneqarnera pillugu peqqussut nr. 118, 27 december 1994-imeersoq.

Inatsit pisortat ingerlatsinerinut immikkoortunut tamanut atuuppoq, tak. § 1, imm. 1, aamma ingerlatsinermi oqartussanit aalajangiiffigineqartuni imaluunniit **aalajangiiffigineqartussani** sulianik **suliarinninnermut**, tak. § 2, imm. 1.

UNK-uppernarsaatinik atulersitsinissamut KANUAANA-p itigartitsinera tassaavoq ingerlatsinermi inatsisikkut aalajangiineq.

Allakkatigut aalajangiinerit, peqataasumik ataatsimik tamakkiisumik isumaqataaffigineq **annigitsut** ingerlatsinermi inatsimmi § 22 malillugu **tunngavilersuummik** ilaqassapput. Tunngavilersuutip imarisaanut piumasaqaatit inatsimmi § 24-mit takuneqarsinnaapput, imatut oqaasertaqartoq:

⁵Inatsimmik nalunaarut nr. 433, 22. april 2014-meersoq.

"Aalajangiinermut tunngaviusumik nalunaarummi innersuussutigineqassapput inatsisini maleruaqqusat aalajangiinermi tunngavigineqartut. Maleruaqqusat tamakku malillugit aalajangiineq oqartussaasuni sulisut isumaannik tunngaveqarpat tunngaviusumik nalunaarummi taaneqassapputtaaq pissutaasut pingaarnerusut isummat tamakku atornerannut aalajangiisuunerusut.

Imm. 2. Aammattaaq pisariaqarpat, suliame paasissutissat pissutsinut piviusunut tunngasut aalajangiinermi annertuumik pingaaruteqartut naatumik nalunaajarneqarnerannik tunngavilersuut imaqassaaq. ()"

Tassunga ilanngutissaaq aalajangiisussanngorneranni pisortani oqartussat suliame paasissutissiinermut killilersugaanngitsumillu uppernarsaatinik nalilersuinermit ingerlatsinermi inatsisini tunngaviit nalinginnaasut eqqortittussaavaat. Taamaalluni nalinginnaasumik isumaavoq ingerlatsinermi oqartussat inatsisini tunngaveqarnatik tunngavinnik taakkuninnga saneqqusisnaannginnerat assersuutigalugu tamanut atuuttussanngortitsinermi imaluunniit pisariunngitsumik suliaq pillugu paasissutissiinermi imaluunniit uppernarsaatinik naliliinermi.⁶

Ingerlatsinermi oqartussat taakku saniatigut pisuni ataasiakkaani tamani piumasaqaatit attuumassuteqartut kinaassusersiunngitsullu ilaatinnaannut pisussaaffeqarput aamma tassunga atasumik aalajangersimasumik naliliinerup kingorna aalajangiinermi.⁷

Suliame ataatsimi aalajangersimasumik naliliisoqanngippat, akkerlianilli nalinginnaasumik (suliffiup iluani avataaniluunniit) malittarisassamut imaluunniit ilimagisamut innersuussisoqaannarluni, tamanna pisoqarnera malillugu malittarisassamik missiliuilluni inerteqqussummut akkerliusinnaavoq, pineqartoq missiliuinissamut peqataatinneqanngippat imaluunniit annertuumik killilerneqarpat.

Naliliineq

Naliliinerput tassaavoq iluanaarutinit procentinut tunngatillugu KANUAANA-p iluani najoqqutassat/killiliinerit tunngavigalugit UNK-uppernarsaatinik aalajangersaanermik itigartitsinissamut kalaallit nunaanni inatsisi tunngavissaqanngitsoq. UNK-uppernarsaatinik aalajangersaanissamut itigartitsineq aningaasatigut annertuumik kingunerlutsitsisinnaavoq, tassa itigartitsinerup nioqqutissanik avammut niuernissaq ajornarsisimmagu. Inatsisitigut tunngaveqannginneq taamaattumik ajornartorsiutaavoq aamma KANUAANA-p suleriaasia naliliinerput malillugu ingerlatsinermi inatsisinut akkerliulluni. Tassunga ilanngutissaaq KANUAANA suleriaatsimigut immikkoortuni arlalinni ingerlatsinermi inatsisini tunngavinnik arlalinnik atuuttunik unioqqutitsimmat.

Inerniliinerit ataani erseqqinnerusumik tunngavilersorneqarput.

Aalajangiinermi inatsisitigut tunngavissaqarnera takuneqarsinnaanngilaq

Qulaani inatsisitigut tunngavimik misissuinerup takutippaa iluanaarutinit procentit tunngavigalugit UNK-uppernarsaammik aalajangersaanerup itigartinnissaanut kalaallit nunaanni inatsisini tunngavissaqanngitsoq. Aalajangersakkat Aalisarneq pillugu inatsimmiittut taassumalu malitsigisaanik atulersinneqartuni nalunaarutiniittut aalisariutinik tunisinermillu nakkutilliinermut sammisuupput, akkerlianilli avammut niuernermut tunngasunik aalajangersakkanik nassaassaqaarnani. Tassunga ilanngutissaaq Aalisarneq pillugu inatsimmi tassungaluuunniit atasuni nalunaarutini iluanaarutinit procentinut innersuussisoqanngimmat.

⁷ Jon Andersen, *Socialforvaltningsret*, 2 udgave (2006), s 104 ff, og Jens Garde mfl, *Forvaltningsret – Almindelige emner*, 4 udgave (2004), s 408 ff.

Kalaallit Nunaat EU-p ilaanut ilaangilaq taamaalillunilu Peqqussut Kalaallit Nunani atorneqartussaananani. Aammattaq Peqqussummi iluanaarutit procentii pillugit malittarisassanik imaqarnani, soorlu aamma Inuussutissalerinnermut Aqutsisoqarfiup "eqqussinnermi avammullu niueqqinnermi UNK-nakkutilliineq" pillugu ilitersuutaa iluanaarutit procentiinik tunngaveqartut takuneqarsinnaananani.⁸ UNK-uppernarsaatinik aalajangersaaneq pillugu aalajangiinnermut uuttuutit iluanaarutit procentiinik KANUAANA-p atuinera taamaalilluni EU-mi malittarisassanik imaluunniit tamanna pillugu ilitersuutinik aallaaveqanngilaq.

Ingerlatsiviup sulineranut inatsisitigut tunngavimmut allanngorartunik piumasaqaateqarpoq apequtaalluni akuliunneq innuttaasup inatsisitigut inissisimananut qanoq annertutiginersoq pineqarnersoq⁹. KANUAANA-p suleriaasia pisuni arlalinni kingunerisimammagu UNK-uppernarsaammik atulersitsinissamut KANUAANA itigartitsisimalluni tamatumunnga atasunik aningaasatigut kingunerlutsitsinerit naliliinerput malillugu akuliunnerupput annertuut. UNK-uppernarsaatinut ilaasut avammut niuerutigineqartut nalii amerlanertigut million kr.-init arlaliusinnaapput avammullu niuertup tunisassiaminik nassiussinissamut itigartinneqarnerata aningaasatigut kingunii annertuujusinnaallutik. Tassunga ilanngutissaaq isumaqatigiisummik kipititsisoqarsinnaanera kingornatigut taarsiiffigitinnissamut malitseqarsinnaalluni.

Inatsisinik tunngaveqannginneq iluanaarutinit procentit KANUAANA-mit atorneqarnerinut atatillugu taamaallaat takuneqarsinnaanngilaq, kisianni aamma pisuni allani arlalinni UNK-uppernarsaammik aalajangersaanermik itigartitsinnermut tunngaveqarnersoq pillugu nalornisoqarsinnaasoq. Assersuutigalugu aalisariummi sutigulluunniit unioqquutitsisoqarneranut UNK-uppernarsaatip atulersinnissaanut KANUAANA-p itigartitsisinnanera pillugu erseqqittoqanngilaq taamaalillunilu unioqquutitsinerup ilusaanut annertuumik naapertuutinningsumik usinik piginnittoq piviusumik pineqaatissinneqarsinnaalluni.

Aalajangiineq naammaginartumik kinaassusersiunngitsumillu tunngavilersuummik imaqqanngilaq taamaalillunilu ingerlatsinnermi inatsimmi § 24-mut akerliulluni.

UNK-uppernarsaatip atulersinnissaanut itigartitsineq ingerlatsinnermi inatsisitigut aalajangiinnerummat aalajangiineq tunngavilersuummik ilaqartariaqarpoq, tak. ingerlatsinnermi inatsimmi § 24.

Aamma KANUAANA-p "Kalaallit Nunaannit aalisakkanit nioqquutissianik uppernarsaaneq pillugu nammineq immersuinnermut ilitersuut" takuneqarsinnaavoq¹⁰ qupperneq 20-mit takuneqarsinnaalluni "uppernarsaat itigartinneqarpat, ingerlaannartumik uppernarsaammik nassiussimasumut sulisumut maili nassiunneqassasoq. Itigartitsinnermut tamatigut tunngavilersuuteqartarpoq".

Itigartitsinerit assilinerinik tigusimasagut kalaallit nunaanni inatsisini naleqquttumik tunngavinnik innersuussinernik imaqqanngillat, tamannalu pillugu apeqqummut akissutitut KANUAANA-mit EU-mi inatsisini malittarisassanut taamaallaat innersuussisoqarluni, Kalaallit Nunaanni atuutinningsut.

Ingerlatsinnermi inatsimmi § 22 aamma pingaarnertut eqqarsaatigineqartut aalajangiinerit pillugit piumasaqaateqarpoq, KANUAANA-p missiliuineranut aalajangiisuusimasut. Takusinnaasarpur malillugu KANUAANA nioqquutissat nassiunneqartut FAO-p naatsorsueqqinnermi kisitsisaanit allaaneruneranut taamaallaat innersuussisimavoq. KANUAANA-p tunngavilersuutaa malillugu aalajangiineq taamaalilluni nunani tamalaani

⁸ https://www.focdevarestyrelsen.dk/SiteCollectionDocuments/25_PDF_word_filer%20til%20download/03kontor/IUU/IUU_kontrolvejledning_til_erhvervet_%20juni_2018.pdf

⁹ Steen Bønsing, Almindelig forvaltningsret, 4 udgave 2018, qupperneq 310

¹⁰ Saqqummiussaq 1:8 - juni 2016

suliniatigiiffimmiit kisitsit najoqutaasoq pituttuinngitsorlu tunngavigalugu aalajangiiffigineqarsimavoq, tassunga atatillugu aalajangersimasumik inatsisillu malillugit missiliisoqarsimanani. Aalajangiineq taamaalilluni isumaqarnarpoq suliami paasissutissiinissaq uppersaammillu naliliineq pillugu ingerlatsinermi inatsisini tunngavinnut pingaarnernut akerliusoq, aamma malittarisassami missiliuinissamut ingerlatsinermi inatsisini inerteqqussummik unioqqutitsinerulluni.

Qulaani eqqaaneqartutut utaqqiisaasumik aalajangiinerit taamaallaat pineqarnerannut takussutissanik takusaqarsimannilagut. Tamatuma allannortinnilaaq nioqqutissanik nassiunneqartunik piginnittumiit akerliliisoqarnerata malitsigisaanik KANUAANA-p aalajangiinerminik allannuinissaq toqqarsimammagu.

København, ulloq 15 januar 2020

Jacob Skude Rasmussen